

U KALŌNGOLÉLA



U Ntwa akusaye ugwe, Nkundwe Neville.

Fiyo nsangalufu ukuya ngomokile mu kipānga ikilo iki. Itolo panani panandi gālile amasyu. Luko lwa Ndumi indali ulubunju ulu, kangi une naloli ndinsangalufu Iyēne kyāli apa, palema. Kangi nālikyēlile Iyēne nimwēne, ukuyitwāla Iyēne, kangi une ngusūbila umwe mwalikyēlile ukuyipilika Iyēne. [Ikilūndilo kikuyoba, “Ameni.”—Nsimbi.]

² Komma ukwībwa lilino, akabalilo kōsa kumbukila iki, ukuti ifi fyō findu ifi fikuyēnga ugwambombo gwa Kristi. Muketile, ulwītiko ikyākwānda, polelo akayīlo. Kangi lilino kumbukilaga, u Mbepo Mwikemo akabagīla ukufwik’ikitili i nyumba ya Kyāla mpaka ifindu ifi fikubombabomba na Mbepo Mwikemo. Kali kiliku iki ugwe kubomba, muketile. Ifindu ifyō fikuyēnga u Mbili gwa Kristi, muketile, ifindu ifyō. Lilino, komma ukwībwa ifyō, ukuti iki *apa* kyo kyākwānda, lo lwītiko lwāko. Kayīlo, bumanyi, na fyosa bo ifyō, fibagīle ukongelelīgwa ku kyēne, mpaka ubupima bōsa bwa Kristi bukutēndekīgwa ukubonekela, polelo u Mbepo Mwikemo ikwīsa pa kyēne nukufūnga ikyēne ukuya Mbili gumogwēne. Ifindu ifi fikufimbilisigwa ukuya. Polelo, Yeso āyobile, “Ni fipaso fyabo abene.” Muketile, fipaso! Ugwe ukābagīle mma ukupāpa ifipaso kisita findu ifi ukupāpa ikyēne mwa ugwe. Kangi polelo akabalilo kāko fyosa ifi fikwēga ubuyo bwa bwankīsu kangī—kangī ubusitakyāla, na fyosa bo ifyō, polelo bōsa ubusitakwitika bukutāgīgwa panja, polelo ifindu fya nkīsu fikīndīle, polelo kikayapo nakimo lōli ikipelīgwa ikipya mwa Kristi. Kangi polelo Baefesi 4:30 ikuti, “Somma ukunsulumanisya Mbepo Mwikemo gwa Kyāla, kūko umwe mufūngigwe mpaka ku lisiku lwa kutabulīgwa kwīnu.” Ukufūngilīgwa mu Kitangalala kya Kyāla! Lilino, komma ukwībwa ikyo. Kyūnga ikyo mu linogono lilino, kikwēga ifindu *ifi* ikyākwānda. Polelo ukufūnga yo Mbepo Mwikemo, i Kitili iki kikufūnga uswe mu Mbili. Umma ndaga.

³ Uswe tuli nako u—u ukusūma lilino kwa Kalumbu Little, gwa ku Chicago, undume afumile pakuya mu kutikana kwa magali kangī alambalele itolo pa buyo bwa bufwe, Kalumbu Little. Kangi Edith Wright, u kalumbu gwītu unnini apa uyu uswe tummenye ku kabalilo katali fiyo, umwēne ali fiyo, fiyo mbībi, ku kāya kāke ikilo iki, kangī abēne balōndāga ukufumusya iki ku kipānga ukuti uswe tubagīle ukwipūta palikimo panongwa ya kusūma uku. Kangi lilino unko uswe twinamisye imitu gyitu itolo pakabalilo.

⁴ Gwītu umpala, Tāta Gwakumwanya, uswe tukubūngāna ukusyūngutīla (ukwisila mu lwītiko) i Kikota kya Kyāla, kangī uswe tukusūmila ikisa Kyākyāla panongwa ya busūme ubu.

Nkundwe Little, ukutikana kwa magali, kifuki bufwe. Kyāla, ntula umwēne. U Mbepo Mwikemo ali yaga ku lubafu lwa kitala kyāke nukuntwāla umwēne ukungomokesya kwa uswe, Ntwa. Kangi unnini Edith Wright pāsi pala, une ngusūma, Kyāla, ukuti Mbepo Mwikémo isakuyaga pa lubafu lwa kitala ikilo iki nukupyanikisya ubukafu bwāke ku mwēne kāngi. Pàga icyēne, Tāta. Ugwe ufingile ifindu ifi, kangi uswe tukwitika ifyene. Kangi bo uswe twīnagonága ulubunju ulu, ubutali bula butikusanusya nakimo kwa Ugwe, Ugwe uli itolo ufwēne ni kiyabo ikinywāmu kya kīsu bo mūmo Ugwe guli ikingi, panongwa yakuti Ugwe gwe njepoposa, gwamakagosa, kangi nsitampaka. Kangi uswe tukusuma, Tāta, ukuti Ugwe kupaga ubusume ubu ukwisila mu Ngamu ya Yeso Kristi. Amen.

⁵ Nsangalwike fiyo ukuya muno ikilo iki kāngi, uku... Kangi une mmenye ukwēne kupīle. Isi syo itatu ingomano syakutalula, kangi icyēne kyo... Une mmenye mwe bamo ba umwe muli nago bu bwīngi bo mamailosi bamia bahano ukwēndésya pakati pa lilino na ndubunju. Kangi ukwāndako ukufuma kilabo, une ndinago elifu yumo na bamia bana ukwendesya ukufuma apo. Popāpo, popāpo une—une ngusūbila ukuti akēne kayīle kabalilo kakulumba kuli mwēsa ba umwe. Kangi kayīle kabalilo kakulumba kwa une ukuyāta na umwe. Kilipo ikindu kimokyēneitolo iki uswe tusūmīle, bingi fiyo bagomosígwe panongwa yakuti bukayapo ubuyo, uswe tukabagila ukufyēnyekesya imikolofwa fiyo mma, ikiyabo kya basimisyamoto kitisakuhoboka panongwa ya ikyo. Popāpo uswe tukugela lilino ukukyāga ikipānga ikinywāmúpo panini, ukuti akabalilo kāko uswe tuli nkati, kangi uswe tubagīle ukuya ni fwāsi ya kwitūgāla ya bāndu.

⁶ Kangi lilino, akabalilo kalikōsa, umwe akabalilo kōsa muli bakwambililígwa pa kitēmbē, kuko uswe tukaya ni kimanyisyo loli Kristi, kisita ngomelesyo loli lu lugāno, kisita būku loli ili Bāngéli. Kangi polelo... Kangi untimi gwitu yo Nkundwe Orman Neville apa. Kangi uswe tulinakyo ikilundilo apa ikya—ikya bāndu bingi aba bikwībūngānia muno ukuya kitēmbē kya fipānga-fipāgúke fyōsa, kūko umwe mukwīsa apa nu kummwīpūta Kyāla ukufwāna ni butume bwa mabyebye gīnu gēne. Uswe akabalilo kōsa tukusāngaluka ukuya na umwe. Kangi popāpo akabalilo kāko umwe mubagīle, uswe akabalilo kōsa tukusāngaluka ukubāmbilīla umwe.

⁷ Kangi lilino akabalilo akangi, mūmo une mmanyīle, ukuya na umwe, kwisakuyaga ukufuma pāpo ikipānga kimalisígwe. Kangi une ngulōnda akabalilo kala, ukufuma pa *Ngulilo Syakipānga*, pala uswe tukulōnda ukubūka lēlo ku *Fungilo* ihano na ibili isyabumalikisyo, kangi i *Fungilo* ihano na ibili isyabumalikisyo mwa Būku gwa Busetuli, ukumanyisya Ikyo.

⁸ Kangi lilino tulipo utubalilo twīngi fiyo utu ababine na bonywa bikwīsa, kangi mu ngomano isi, kūko imboniboni

sikulōndígwa, kangi ukwīsa ku malālúsyo agapalubafu. Linga une ngífika mu ikyo, polelo une—une itolo ngabagíla ukukwāga ukukīndána pakati pa fyēne, kangi, ikyēne kikafu kuli une ukuyoba ukufuma apo. Kangi aligwēsa amenye ukuti mu lusasano lwītu lwa bubūmbulúsyo, ukuti Tata. Baxter pamo yumo bwīla ukubomba isya bulūmbilīli, kangi une ngwīsa panja ukwīpútīla ababine, panongwa yakuti ikyēne itolo kyo kyakukatasya panini. Kangi une nīputilāga abāndu bāmo pabutasi apa pakīndilēpo, kangi polelo une nālyāgēne u mwānike unnini apa uyu abagānga... ikindukimo mu nyuma yāke, apāpígwe mu njila yimo. Kikusōka pānja, une nākibwēne ikyēne kītūgésye pala mu bufumusye. U mwanike yūla atisakuyāmo siku ndemale bo lula, akēne kakuyaga kanunu. Naloli, akēne kali, muketile. Ikyo kyo, une mmenye ikyo. Muketile, une nsisimikísye ikya ikyo. Popāpo uswe tukulōnda ukuya nalo u lwītíko lwītu nukwītíka mwa Kyāla.

⁹ Aligwesa gwa umwe, kangi mwe bīngi ba umwe muli bahēsya kwa une, abalūmbilīli bōsa na fyosa bo ifyo. Linga une sindabēne, uyu yo Nkundwe Crase. Ngimba ikyo ko kotalusya? Nkundwe Crase, une—une ngumelelégwa na ugwe ubwīlámbe, panongwa ya kusita kubūka kula pa lwīputo lusayo lula. Lumo une ngwisaga ku mwanya kula ku bumalikisyo bwa ndūngu, kikuyaga itolo kinunu. Ngimba ikyo kitalusye? Kumwanya kula ku Bloomington. Ngimba umwe muli kanunu? Kinunu. Bamo mwa bakundwe aba apa bo balūmbilīli, une ngusakikisya. Ugwe gwe ndumbilīli? Ena, nkulumba. Ntwa akusaye ugwe. Kangi balinga abalūmbilīli bali muno nkuyūmba, unko uswe tukēte ikiboko kyāko. Ena, ikyo itolo kinunu. Uswe tulu basangalufu ukuya na umwe apa, itolo tuhobwīke fiyo. Kyāla akīndililēge ukubasya umwe!

¹⁰ Lilino, ukuti uswe tubagīle ukusōka nakalinga, bamo mwa bēne bikubūka ku Georgia, Tennessee, New York, kulikōsa, ukufuma ikilo iki, ukwānda ikilo iki. Lilino, endesyāga kanunu mwāndége mula mu nsebwe. Linga ugwe kwāga kusipuka, ugwe utikulōnda ukubūka mu mbugonelo, endesyāga ukusōka pa lubafu lwa nsebwe nukugona mpaka ugwe... Iyo yo njila une ngubōmbéla. Muketile, itolo endesya ukusōka nu kugona. Komma, komma ukwēndesya akabalilo kāko ugwe kusipuka. Ikyēne kyo kindu kibibi. Kangi, kumbukaga, ikyēne kikaya ugwe mma, ikyēne yo mwinitu unkōnge uyu ugwe kufīmbilisígwa ukukētésya. Muketile? Ugwe umenye kūko ugwe kubūka, ugwe ukamanya kūko umwēne ikubūka, popāpo—popāpo ugwe kufīmbilisígwa ukunkētésya umiana yula. Popāpo, yaga nsisimikisi ukuti ugwe yaga māso akabalilo kōsa, ukukētésya ku kyēne.

¹¹ Lilino, une ngulōnda ukubala ikilo iki akayabo ka Lisimbo lyāgígwe kula mwa Būku gwa Mwikémo Yohani. Lilino, a Masimbo manini aga aga uswe tukubala nukugomokelāmo,

gali pala ukutipa uswe ulwālo lwa iki uswe tukugela ukuyoba. Kangi akabalilo kōsa, une nasiku nakabalilo kamo, mūmo une ngukūmbukilāmo siku, isya kwisāmo siku ku kigemo, ukugela itolo ukuyoba ikindukimo ukuyaga nguyoba. Une abalilo kōsa ngugūlīla, ngukētésya, ngufūnda, ngwīpūta, mpaka une ngwīpilika ukuti une ndinakyo ikindukimo iki kisakutūla abānde. Linga une ngabagila ukutūla, polelo kukayapo ukufūmbwa nakumo ukwa une ukwīma apa, muketile. Ko, kugela ukutūla! Kangi lilino ikilo iki, ena, ikiyabo ikinyāmupo ikya kilūndīlo kisōkīlémo ukufuma ulubūnju ulu, kangi abēne bafīmbilisīgwe ukubūka ku kāya, bingi ba abēne. Lōli, ikilo iki, une mbabūLīle umwe linga umwe mwasyalikilāga kuno uswe angali tukugela ukuya nabo itolo kifuki ubuyobi bwa maminiti malongo-mana-na-mahano pa ikindukimo iki une ngusubila kikututulāga uswe. Kangi uswe tukubukaga ukwāla iki lilino pa Mwīkēmo Yohani, untu gwa 16, kangi unko uswe twānde kifuki i—i lināndi lya 7 ilya ntu gwa 16, nukubala ukukīndilīla i—i lināndi lya 15.

Mulimōsa une ngubabūla umwe ubwanalōli; Ikyēne kinunu kwa umwe ukuti une ngusōkāpo: kabuno linga une ndikusōkāpo, u Nsubisi atisakwīsa kwa umwe; lōli linga Une ngusōkāpo, Une nisakutuma umwēne kwa umwe.

Kangi akabalilo kāko umwēne ikwīsa, umwēne isakukemela ikīsu kya butulwanōngwa, kangi ikya bugolofu, kangi ikya bulōngi:

Ikyā butulwanongwa panongwa yakuti abēne batikwitika mma pa une;

Ikyā bugolofu, panongwa yakuti Une ngubūka kwa Tāta gwāngu, kangi umwe mutikunonāga kangi mma;

Ikyā bulōngi, panongwa yakuti unsōka gwa kīsu iki alōngigwe.

Une ngāli ndinafyo ifindu fīngi ifyakuyoba kwa umwe, lōli umwe mukabagila ukupīmba ifyēne lilino.

Lōli akabalilo kāko umwēne, u Mbepo gwa bwanalōli, isile, umwēne isakubolongolēla umwe mu bwanalōli bōsa: kabuno umwēne isakuyobaga komma isya mwēne mma; lōli kilīkyōsa umwēne isakupilika, kila umwēne isakuyoba: kangi umwēne isakubanāngisyāga umwe ifindu ifi fikwīsa.

Kabuno, umwēne isakunyīmikāga une: kabuno umwēne isakwāmbililāga ukufuma kwa une, kangi isa kunāngisyāga ikyēne kwa umwe.

Ifindu fyōsa ifi Tāta alinafyo—alinafyo fyo fyāngu: yo nongwa une njobīle, umwēne isakwēgāga ukufuma kwa une, kangi isa kunāngisyāga kwa une.

¹² Lilino mu lināndi lya 13. “Lōli akabalilo kāko u Mbepo gwa Bwānalōli isile, Umwēne isakubalongolelāga umwe ku Bwānalōli bōsa. Akabalilo kāko u Mbepo gwa Bwanaloli īsile, Umwēne isakubalongolelāga umwe mu Bwanaloli bōsa.” Ngimba u Bwanaloli bo fiki? I Lisyu. “Kabuno Umwēne isakuyoba, Umwēne atisakuyoba isya Mwēne mma; lōli iki Umwēne ikupilika, Umwēne isakuyoba. Iki Umwēne ikupilika, Umwēne isakuyoba.” Mmasyu agāngi, Umwēne isakuyāga Yūyo uyu isakusetulāga i kīndu, umwe muketile. Kangi untu gwa 4 ugwa Bahiburi, i Bāngéli lyāyobīle ukuti “I Lisyu lya Kyala lipyāsye kanunupo, lyamaka ukukindapo ulubo ulu lupyāsye-kosakosa, u—u Mmanyila-ngāni gwa monogono ga lyakwinogonela, indumbula.” Muketile, “Iki Umwēne ikupilika, Umwēne isakuyoba, kangi Umwēne isakunāngīsyā umwe ifīndu ifi fikwīsa.” Muketile? Ngimba kyo fiki kikubōmbāga ikyo? U Mbepo Mwīkēmo Yūyo ikwīsāga mu Ngamu ya Ntwa Yeso.

¹³ Kangi une ngulōnda ukwēga amaminiti amanāndi aga amakōnge ukukōléla ku bupilikisyo bwīnu pa līsyu “kalōngolēla,” *U Kalōngolēla*. Umwe mumenye, une mfumile pakuya nifyakumbonekela fimo fingipo mmatengele. U kalōngolēla, umundu yumo ugwakukunāngīsyā ugwe ukusyūngutīla. Ugwe kufīmbilīsigwa ukuya na kalōngolēla akabalilo kāko ugwe ukamanya kūko ugwe kubūka. Kangi ukuya mwīsībīle nu kufwīma, kangi ni kīsu ukusyūngutīla, une nāli nu—nu lusako ukwāgāna na bākalongolela. Kangi une ne kalōngolēla, nimwēne, mu Colorado, panongwa yakuti ukumanya ikīsu, ukwēmbēla, na fyōsa, une mbagīle ukulōngolēla mu Colorado.

¹⁴ Lilino, u kalōngolēla abagīle ukumanya injila. Umwēne abagīle ukumanya kūko umwēne ikubūka na iki umwēne ikubōmba, na kapakikisyo ka ugwe mula mu njila. Muketile? Umwēne ukufīmbilīsigwa ukukētēsya ukuti ugwe utikwīsa ukuyōnga. U kalōngolēla yo nnyāmbāla unsalīgwa. Ikīsu kikusala unnyāmbāla uyu, linga umwēne yo kalōngolēla. Kangi, lilino, mu kubūka pa bwēndo mula ndulangalanga, kūko lumo ugwe ukīsībīlako ukubūkako, ikyēne kikaya kīndu kinunu kwa ugwe ukubūka kisita na yumo. Ukuyob’ubwānalōli, amabuyo gāmo ugwe ukabagīla nukubūka kisita yumo, ukwegelēla itolo, Canada. U—u kalōngolēla abagīle ukusaina u lwītīkīsyo lwāko ku nkētēsi gwa finyamana. Umwēne abagīle ukusaina mwēne mula, kangi umwēne yombombo yāke pa ugwe. Linga kalikōsa kakuboneka kwa ugwe, ikyēne kyo mbombo yāke. Umwēne abagīsēnie ukukupākīsyā ugwe. Umwe abagīsēnie ukukētēsya ukuti ugwe utikuyōnga. Umwēne abigēsēnie ukuya nsīsimikīsi ukuti umwēne atikukutuma ugwe ku buyo bumu ubu ugwe ukumanya injila yāko ukugomokela. Kangi linga ugwe naloli kuyōnga, umwēne abagīle ukumanya ikīsu kanunu fiyo ukuti umwēne abagīle ukukupīmba ugwe itolo akabalilo kalikōsa. Umwēne ikufīmbilīsigwa ukumanya ifīndu fyōsa kisita

ikyo umwēne akabagila ukuya kalōngolēla, umwēne akabagila ukwitikisigwa ukuya kalōngolēla.

¹⁵ Kabuno ifindu ifi, utubalilo tumo ugwe ubagile ukuya na malāgano, ukukolela ngani nukutendeka ukwitendekesya, ukuya nu lupayo lwa kwēgeligwa panja. Kangi linga ugwako... Utubalilo tumo umwēne iswile kang umwēne akabagila ukukwega ugwe, ugwe kufimbilisigwaga ukubika nkyēni pa kabalilo, isya—isyā kalōngolēla gwankisu. Ugwe utikufimbilisigwamo siku ukubomba ikyo nu Kalongolela gwa Kyala, Umwene akabalilo kosa itendekisye, akabalilo kosa itendekisye.

¹⁶ Lilino, linga ugwe utikuya ni ndendekesyo sitendekigwe, kangi ugwe kwinozonela isya bwendelo bula ukubuka mmatengele kuko ugwe ukabukamo siku pabutasi, ugwe ubagile ukwisa kula nukuyonga, nukupyutigwa. Ugwe uli nalo kifuki lumo mw amia ulusako ukusokamo mmatengele gala, uko kokuti, linga agene masisya fiyo, ugwe ubagile ukuya nu lusako lumolwene mwa mia ukusokamo mula pagwimwene. Loli linga ilyene lyo litengele ilibibi fiyo, kubutali kula, ugwe ukaya nu lusako nalumo ukusokamo panja. Yikayapo injila iya kubombela ikyēne, panongwa yakuto ugwe kwiyāga gwimwēne pa bwēndo bwa bufwe, kangi polelo ugwe—ugwe umalisigwe, polelo ugwe umalike. Lilino, kangi ugwe kwisakupyūtika linga ugwe ukaya nayo u kalōngolēla uyu amēnye ikisu kangi amēnye akagomokelēko.

¹⁷ Mwe bingi ba umwe mwisibile na kapango aka mubalile nkinja panja ku Tucson, Arizona, bala ba Balumiana Bakifu. Lōli, abēne bāmanyisigwe ukumanya akipakikisigwe bēne, abēne bāli bakifu. Kangi abēne bakāli itolo Banike Bakifu, abēne bāli bakifu mōsa. Kangi abēne balinkwēga injila ukubūka mfyāmba, kangi umbelo gwa matalala gulinkwisa, ikipeligwa kilinkwāndula ubuyo bwāke. Kangi akabalilo kako abene bāliyāgile bēne ukuya bayōngile kangi bōsa ba bēne bāpyutigwe, yo nongwa yakuti abēne... ikindukimo, ukwānduka kukwisa mula ukufuma ku bwēndela ubwisibiligwe, abēne bakāmenye akasōkēlo panja. Muketile? Kangi une ngwībwa bālipō balinga pala abalūmiana aba bāpyūtigwe nkyāmba kila, palema nalinga abēne bāli na ba helikopta, kangi Basikali panja, na ba Bopanesya Bākisu, na bīyipe ukutula, na filisyōsa. Lōli abēne bāyōngile, nayumo āmenye kūko abēne bāli. Kangi balinkutōligwa ukwipakikisya bēne. Abēne bōsa balinkupyūtigwa mu matalala panongwa yakuti abēne bākamēnye ukuti kali abēne bābūkāga kubusōkēlo, kulūlu, kubwīngililo pamo kwitōngo, mmwanya pamo pāsi, pamo mūmo ikyēne kyāyilile, filifyosa fyābonekāga kifwanefwane.

¹⁸ Lilino, u kalōngolēla amēnye kūko umwēne aliko, kisitakupāsyā imibelo. Umwēne yo—umwēne apigwe ifyōmbo ukubōmba ikyo. Umwēne amēnye iki umwēne ikubōmba.

Umwēne isibīle na filifyōsa. Umwēne amēnye akabonekelo ka filifyōsa, ukuti umwēne abagīle itolo ukuya mu ngisi kangi umwēne abagīle ukwīpilika akandu kamo.

¹⁹ Unko twegelele, apa lulipo ulwēke ulwaiyolo kwa kalōngoléla. Umwe mumenye, linga ugwe ubagīle ukukēta indondwa, aligwesa abagīle ukumanya yo njilanki ugwe kubūkako linga ugwe kukētésya indondwa. Kangi ugwe akabalilo kása kulonda ukukētésya indondwa yimoyēne iyabwānalōli. Yilipo indondwa yimoyēne iyabwānalōli, kangi iyo yo Ndondwa Yakulūlu. Muketile, alipo yimoywene itolo, umwene ikwima pa buyo bulabula. Uyo ikwīmīlīla Kristi, yulayula mmayolo, umwisyugu, na bwilanabwila. Abāngi babagīle ukwēmbéla ukusōkāpo, lōli Umwēne ikusyāla yulayula. Ifipānga fibagīle ukukukwābīla ugwe panja injila *iyi*, pamo ifingi ukukukwābīla ugwe panja injila *yila*; lōli komma Umwēne, Umwēne akabalilo kōsa yo yulayula.

²⁰ Ena, lilino, linga ugwe ukabagīla ukuyibona iyi i Ndondwa Yakulūlu, kangi ukwēne kubīngulīgwe, polelo linga umwe mwisakukētésya, linga ukwēne po pamusi kangi ugwe uyōngīle, linga ugwe kwisakukētésya imipiki. Ikipiki kyo akabalilo kōsa, ubyōko ali pa lubafu lwa kulūlu lwa mpiki, panongwa yakuti ulubafu lwa kwitongo lwa mpiki lukwāmbilīla ilisuba ukukīndapo ulubafu lwa kulūlu. Lōli bule linga ukwēne kwāli ngīsi kangi ukābagīle ukumbona kōbyo? Linga ugwe kwīsa kwīgāla amāso gāko nukugela ukusita kubōmba ukwīnogona kulikōsa, igala amaso gāko nukwēga umpiki gwangubo-nsekele, bīka amaboko gāko ukusyūngutīla ikipiki bo ulu mpaka inyōbe syāko sikwāgāna, kangi polelo anda ukwēnda ukusyungutīla ikipiki kila nalōli panandipanandi. Kangi akabalilo kāko ugwe kutika u buyo pāpo ingubo yili naloliloli ndupano, yilepukēne mōsa, ulu lu lubafu lwa kulūlu (ulubafu lwa mbelo), kangi ugwe ubagīle ukukīndanisya yo njila nki ugwe kubūka, kulūlu pamo kwītōngo. Kangi injila yila, o, filipo ifindu fingi, lōli ikyēne kīkwēgēla u kalōngoléla ukumanya akabōmbelo ifindu ifyo. Itolo u nnyāmbala gwa palopōsa ukunyamuka nukuyoba, “Une ndikwīpilika ubukīndāne nabumo mu kyēne.” Muketile? Muketile, ugwe kufīmbilisīgwa ukumanyisīgwe panongwa ya bulōngoléla bula.

²¹ Kangi abalumiāna aba, kisita kwīlāmwa lōli bāli bakifu banunu, abēne lumo babagīle ukupinya ulufundo, abēne lumo babagīle ukutēndēka umoto na mabwe, na fyosa bo ifyo. Lōli ukumanya injila yāko ya kusōkēla, iyo yo fūndo! Abēne, abēne bakayimēnye injila yābo iyakusōkēla, popāpo polelo abēne bōsa balinkupyūtīgwa panongwa yakuti abēne bakālyēgīle u kalōngoléla na bēne.

²² U tāta unsitakwinogona, ifyīnja fibili ifi fikīndilēpo, mu Colorado, o, umwēne ābūkāga mmwanya nkyāmba, umwēne āli nu ndumiāna unnini kifuki fihano na kimo, fihano na

fibili ifyinja mbukusi. Umwēne āyaga pakummwēga umwēne ku bufwimo bwa mbabala ubwāke bwakwānda. Popāpo abēne balinkubūka mmwānya fiyo pa kyāmba, kangu u ndumiāna unnini alinkuyōba ku gwīse, “Une nāndile ukukatala.”

²³ “Isaga ngupāpe pa nyuma yāngu. Uswe tukufika pa mwānya fiyo tāsi, imbabala sili mmwanya.” Nkyēni na nkyēni na nkyēne alinkubūka unnyāmbala yula mpaka umwēne alinkufika... Umwēne akāmēnye, umwēne āli nnyāmbala gwa ntwāya. Umwēne akāmēnye nakimo isya kafwīmilo pamo kububūko. U nnyāmbala aligwēsa uyu amēnye kalikōsa isya matēngēle amēnye ukuti imbabala sitikwītūgāsa mmwanya fiyo mma. Isyēne sitikubūka mmwanya mula. Imbene syo sikwītūgāsa mmwanya mula, komma imbabala. Isyēne sili pāsi kūko isyēne sibagile ukulya, isyēne sikufimbilisigwa ukubūka kūko kulikp ikindukimo ikya kulya. Kangi, popāpo, lōli unnyāmbāla uyu ālinogwīne, “Linga une ngufika kubutali mmwanya mmwabwe kubuyo bumo mmwanya mula, une nisa kuyaga imbabala innyāmbāla inywāmu.” Umwēne ātalile ākētīle ipīcha ya simo simile pa—simile pa libwe, kangu umwēne alinkwīnogōna ukuti kula ko kwāko kūko kwākummwāga umwēne. Komma ukutegelela ku iki ama magazini gikubala, mwe, o, mwe, ugwe kwisakuya ni njosi imbibi! Ukuti, kilipo ikīndu kimokyēne itolo ikyākubōmba, ko kywēga u kalōngolēla, kūko umwe mumenye kūko umwe muliko.

²⁴ Kangi u tata yula, ukwene kulinkwisapo ifula nakalinga itolo mmwanya mula, yimo mwa fula inyengo sila iyi yikwisa. Kangi unnyambala yula alinkufwima nukukabila fiyo, mpaka ukwene kwalilile kangu umwene alinkutoligwa ukuyaga injila yake ukugomokela. Kangi i... Polelo imibelo gilinkwisa ukukilania pamwanya pa kyamba, kangu umwene yumwene ikwenda nakalinga kangu ikyo kyo...

²⁵ Ugwe kufimbilisigwa ukumanya akayilo nu bumi, linga ugwe gukamandigwa panja. Apo kilipo ikindu kimo ikingi, manyaga akayilo nu bumi! Une mfyukile mmwanya mipiki nukusuluka pasi pa fyene, kangu mfyukile mmwanya mwa mipiki nukusuluka pasi, mmwanya na pasi bo ulo, ukumilisa ukuya mumi. Une negilemo amatalala akabalilo kako ukwene kwayaga amafiti mana pa lubafu lulilosa, ukunyukula ikisinga nukukilambalika ikyene pasi. Kangu ukuya ni njala fiyo mpaka une ngabagile ukwikifya iyene! Kangu ukunyukula ifisings ufyaiyolo ifyaiyolo ifi, nukukosya ifyene nukuleka ukwene kuyega kupyano nukwengelusya amatalala. Kangu Polelo kifuki isala yakwanda ndubunju, pamo isala ibili, ukukwaba ifisinga ukusyosyapo nukulambalala pa mfu undungulano, ukumulisa ukuya mumi. Kangu ugwe kufimbilisigwa ukumanya akabombelo ka findu ifi.

²⁶ Kangu u nnyambala uyu akamenye iki umwene abombaga, umwene akali nagwe nayumo nu mwene ukundongosya umwene.

Kangi umwene alimmubatile umwānundumiána gwāke unnini pa kipāmbága kyāke mpaka umwēne alinkupilika umwēne ikuntalalisya nukufwa. Kisita kwīnogóna! Linga umwēne ālyēgīle itolo u kalōngoléla nu mwēne, umwēne angali āntwéle umwēne palapala ukugomokela pāsi pa kyāmba kali akēne kālī kabalilo kaki akēne, muketile. Lōli umwēne āgūlīle mpaka ukwēne kwālīlīle, polelo umwēne alinkutōlīgwa ukukēta injila yāke ukusyūngutīla.

²⁷ Iyo yo ndamyō na Bakristi umwisyugu. Abēne bikugūlīla mpaka ingīsi yikwīla pala, polelo umwe mukusyāgania ukuti umwe musōkilēpo kisita Kalōngoléla. U Kalōngoléla!

²⁸ Fiki, ngimba umwe mumbwēnemo u nnyāmbála uyu āyōngīle? Ngimba alipo yumo āli nikiyakumbonekelāmo siki ikya kuntwāla u nnyāmbála uyu āyōngīle? Ikyēne kyo kīndu kipelakisa ukukīnda umwe mukētīlēmō siki. Akabalilo kākō u mūndu ayōngīle, umwēne ikuya gwāndīsu. Umwēne atikumanya iki umwēne ikubōmba. Uswe twālīnkōlīle unnyāmbála panja pala, u ndumiána, kangi umwēne āfumile pakuyōnga mmatēngēle, kangi umwe inogonāga. . . Umwēne āli nkētesya-finyamana, lōli umwēne āli mbuyo ubusōbi kangi umwēne āyōngīle, ukusyūmbutuka. Kangi akabalilo kākō abēne bālīmmwāgīle umwēne amasiku matatu ukufuma apo, umwēne ābopāga bo mūndu unsyutano, ukukūta pamwanya pa lisyu lyāke. Imilomo gyāke gilyēkīgwe mosa, kangi umwēne āsopīle indusu yāke ukuyitāga kangi umwēne akāmenye ikyakubōmba. Kangi akabalilo kākō unkūndwe gwāke mwēne, akabalilo kākō. . . Abēne balīnkufīmbilīsīgwa ukunkōla umwēne nukumpīnya umwēne. Akabalilo kākō u nkūndwe gwāke ikwīsa ku mwēne, umwēne alīnkulwa nu mwēne ngati kinyamana, āgelāga ukunduma umwēne, umwēne akāmenye kūko umwēne āliko. Fiki? Umwēne āyōngīle. Kangi akabalilo kākō u mūndu ayōngīle, umwēne ikuya nkayīlo ka kusyūta. Kangi umwēne atikumanya ukuti umwēne ali nkyayīlo kala, panongwa yakuti umwēne ukuya ayōngīle kikutuma ububine pa mwēne, kangi umwēne atikumanya kūko umwēne aliko na mūmo umwēne ikubōmbéla.

²⁹ Momūmo ikyēne kikuyīla nu mūndu uyu ayōngīle ukufuma kwa Kyāla! Umwēne isakubōmba ifīndu ifi umwēne bwila akabagīla ukubōmba. Umwēne isakubōmba ifīndu ifi—ifi fikīndīle aminogono ga būndu ukuya kubōmba. U mūndu unjōnge ukufuma kwa Kyāla, i kipānga ikiyōnge ukufuma kwa Kyāla, i kipānga iki kikīndīle ukusōkako kwa Kyāla, kisōkileko ku fimanyisyo fya i Bāngéli Iya Kyāla, kisakubōmba ifīndu ifi utubalilo tumo ifi ugwe ukabagīla ukugūlīla ukufyāga nkipānga kwa Kyāla gwābūmi. Abēne bisakusyāga ihela syābo ukwīsīla mu nyāngalo sya ngūli, ukukīna injuga, ukupunāna, kalilōsa aka abēne babagīle ukubōmba. Abēne bisakumanyisya kalikōsa, ukuleka kalikōsa ukupubisya, ukutūfya u mūndu uyu yo nhomba

pabunywāmu nkipānga, na fyōsa bo ifyo, ukubapūbīsyā abēne pa kyēne. Uko ko kutalusya. Ukubīka abadikoni pa bukulumba aba begilepo kana pamo kahano, itolo ukubapubisyā ni kyēne, ukufyānīsyā ulufūmbwo lwa fyūma. Lulipo ulufwānikīsyō lumolwēne ulwa fyūma ulu tukufīmbilisīgwa, ko, lufīmbilisigwo lwa Kyāla. Ima kangī yoba u Bwānalōli! Unjōnge, unnyāmbāla unjōnge yo ali nkayīlo akasyūte, umwēne yo mūndu nsyutano.

³⁰ U kalōngolēla ali nabo ubupilikīsyō, akabūkīlo ni kyākubōmba. Kyāla mu...Kyāla akabalilo kōsa atumīle u kalōngolēla ku bāndu Bāke. Kyāla akatoligwāmo siku. Umwēne ikutuma u kalōngolēla, lōli ugwe kufīmbilisīgwa ukummwītīka u kalōngolēla yula. Muketile? Ugwe kufīmbilisīgwa ukwītīka ikyēne. Ugwe kufīmbilisīgwa ukubuka injila iyī umwene ikuyoba. Linga ugwe kufika mmatēngēle, kangī u kalōngolēla gwāko ikuyoba, “uswe tukubūka injila *iyi*,” kangī pōpr ugwe kwīnogōna ugwe kubūkāga injila *yila*, ugwe kubūkāga nukwisa ukuyōnga. Polelo akabalilo kāko ugwe...Kyāla ikutuma u kalōngolēla ukutolōngolēla uswe, uswe tukufīmbilisīgwa ukukōnga u kalōngolēla yula. Kali uswe tukwīnogōna fiki, iki kikuboneka kyāminogono kangī iki kikuboneka kyābutoyofu, uswe tukaya bāndu bakuti tuyabeniege ikyo, u kalōngolēla yo mwēne ntiga.

³¹ Kyala, mu Lwītīkāno Ulukūlu, ātumīle abasololi. Abēne bāli bakalōngolēla, panongwa yakuti i Lisyu lya Ntwa lyālīsīle ku nsololi. Abēne bāli bakalōngolēla. Abēne bāmanyisyāga abāndu mūmo uswe twāli nafyo nkilo, isya Yesaya na Uzziya. Abēne bāmanyisīgwe, kangī abēne bamanyisyāga abāndu nukubalōngolēla abēne. Kangī lilino Kyāla akabalilo kōsa ātumāga abakalōngolēla Bāke, Umwēne akabalilo kōsa akayamo siku nsita u kalōngolēla yumo, ukukīnda mu ngulilo syōsa. Kyāla akabalilo kōsa āli nu munduyumo uyu ālimmwīmīlīle Umwene pa kisu, mu ngulilo syosa.

³² Lilino, utubalilo tumo abēne bikusōkapo pa kalōngolēla, “ukusōkāpo pa ntaliko,” mūmo uswe tukukikōlēla ikyēne. Akabalilo kāko Yeso āli apa pa kīsu, ngimba umwe mutikukumbukila Yeso āyobēge ku Bafarisai, “Umwe bākalōngolēla bafwamaso?” Bākalōngolēla bafwamaso, bafwamaso ku fīndu fyamwambepo. Muketile? Lilino, abēne babagīsīne ukuya bakalōngolēla, bakalōngolēla ku bāndu, ukubalōngolēla abāndu ku bupoki. Lōli Yeso alinkuti, “Umwe mwe bafwamaso!” Kangī Umwene alinkuti, “Baleke abēne pabene, kabuno linga umfwamaso ikulōngosya umfwamaso, ngimba abene batisakugwilāga nkibwina?” Bākalōngolēla abafwamaso! O, mūmo ikīsu kibwāpūlīgwe na ifyo, ubwakalōngolēla ubufwamaso. Umwēne atikulōnda ugwe ukusūbīla pa bupilikīsyō bwāko gwīmwēne mma. Kyāla atikulōnda ugwe ukusūbīla pa bupilikīsyō bwāko pamo aminogono gāko, pamo aminogono amatēndekigwe-nu-mūndu.

³³ Kyāla ikutuma u Kalōngoléla, kangi Kyāla ikulōnda ugwe ukukūmbukila ikyo ukuti uyo yo Kalōngoléla Gwāke unsunguligwe. Kangi uswe tukufimbilisigwa ukunkūmbukila Umwēne. Apa Iyēne likuyoba, Yeso āyobīle, “Une ndisakubaleka umwe, lōli Une nisakusūmba Tāta kangi Umwēne isakubatumilāga umwe u Nsūbisi uyūngi.” Kangi u Nsūbisi uyu, akabalilo kāko Umwēne ālīsīle, abagīle ukutulōngoléla twēsa ku Bwānalōli bōsa. Kangi i Lisyu lya Kyāla lya Kristi, kangi Lisyu lya Kristi, “Une ne Njila, u Bwanaloli, kangi u Bumi.” Umwēne yo Lisyu, “Ku bwandilo lyāli Lisyu, kangi i Lisyu lyāli na Kyāla, i Lisyu lyāli Kyāla. Kangi i Lisyu lyapelīgwe ukuya mbili kangi nukwitugasya pakati pitu.” Polelo linga uswe tukukōnga u Kalōngoléla ugwanaloli ugwabwanalōli, u Mbepo Mwikemo, Umwēne ābagisēnie ukutubūla uswe iki Umwēne ākibwēne, iki Umwēne āpilīke, kangi Umwēne ābagisēnie ukutunāngisya uswe ifīndu ifi fyābagīle ukwīsa. Amenī. Mwaketa lelo umwe. Umwēne ikuyaga pakunāngisye ifīndu ifi fikwisāga.

³⁴ Kangi akabalilo kāko ifipānga umwīsyūgu fikipīka Ikyo, ngimba uswe tubagīle bulebule ukugūlīla ukubūka ku Mwānya? Akabalilo kāko u Mbepo Mwikemo ātumigwe kuli uswe ukuya Kalōngoléla, uswe tukwēgāga u caradino yumo, pamo u bishopu yumo, pamo unketesi gwābosa yumo, pamo umundu yumo bo yula ukutulōngoléla uswe, akabalilo kāko u Mbepo Mwikemo ābagisēnie ukutupa uswe ukutulōngoléla uswe.

³⁵ Kangi u Mbepo Mwikemo akabalilo kalikōsa ikuyoba isya Lisyu. “Une ndinafyo ifīndu fingi ifyakubabūla umwe, umwe mukabagila ukupīlikisya Ikyene lilino, lōli akabalilo kako Umwene ikwīsa, Umwene isakulongosyaga umwe ku Kyēne.” Iyo no nongwa ya kwīsa kwa Fūngilo. Ku bwāndilo bwa Fungilo ya Buhano na bubilo, ifyakubutītu sya Kyāla sibagīle ukumalisigwa, ukumanya Uyu Kyāla ali, iki Umwene ali, mumo Umwene ikwitūgasila, ubupeligwe Bwāke, u Būndu Bwāke. Ugwe ubagile ukuya injila yosa *apa* bo kufika pakabalilo kala, muketile, ukututwāla uswe mu bupime bōsa bwa banabalumiāna na banabalīndwāna ba Kyāla, i Kipānga iki kisukīgwe mu Lilopa lya Kristi, iki kīgūlīgwe kisita hela, kihombelīgwe ni Lilopa lya Yeso Kristi.

³⁶ Lilino, apa uswe tulipo, u Kalōngoléla, kangi Umwēne yo Kalōngoléla umpīgwe na Kyāla. Lilino, uswe tukubūka ukukīndāmo mu lulangalanga, kangi uswe tuli pa nsebwe gwītu ukubūka kumo, kangi uswe tukabagīle ukwēndelāna lumu nu Kalōngoléla uyu. Kangi alingasulwāga aligwesa ukugela ukupyānikisyaपो u kalōngoléla uyūngi! Linga ugwe kubōmba, umwēne isakukusōsyangapo pa bugolosye. Kalōngoléla Uyu amēnye injila! Umwēne amēnye inchi yiliyōya iya njila. Umwēne amēnye ilinogono lililyōsa ili lili mu ndūmbūla yāko. Umwēne ammēnye aligwesa ali apa. Umwēne amenye ukuti ugwe gwe ywāni kangi iki ifi ugwe ubobile, na fyosa ifwakufwana na

ugwe. Umwēne yo Kalōngoléla gwa Kyāla, u Mbepo Mwikémo, kang'i isakusetula ifindu kwa ugwe, kang'i isakuyoba ifindu ifi Umwēne apilike, abagile ukwāndisya amasyu gāko itolo ukugomokela nukuyoba iki ugwe uyobile. Ameni. Ukukubūla ugwe iki ugwe ufumile pakuya, iki ugwe uli nakyo, kūko ugwe kubūka. U Kalōngoléla, u Kalōngoléla untalusi, kang'i Umwēne isakukulōngoléla ugwe ku Bwānalóli bōsa, kang'i i Lisyu Lyāke lyo Bwānalóli.

³⁷ Lilino, u Mbepo Mwikemo atisakukutēndekámo siku ukuyoba, “ameni,” ku luko lumo ulwa kimanyisyo kitēndekígwe-nu-mündu. Ikyēne kisa itolo ukumālísya i Lisyu lya Kyāla nu “ameni,” nongwa yakuti Ilyāne lyo lílyo. U Mbepo Mwikémo atisakukulōngoléla ugwe injila iyīngi yiliyōsa. Lilino ikīndu ikihēsya kyo, ukuti uswe twēsa, fyosa ifya fipānga-fipāgūke fyītu ifikulumba ni findu, uswe tukwiyobela aligwesa pamwēne alongosígwe nu Mbepo Mwikémo, kang'i bulipo ubukīndáne ubunywāmu fiyo bo mūmo bulipo pamusi na pakilo mwa twēsa ba uswe.

³⁸ Lōli akabalilo kāko Pauli, u Farisai innini yula uyu ālyāmbilíle Mbepo Mwikémo akabalilo kāko Ananiya alimmōsísye umwēne, kang'i umwēne alinkubūka mu Arabia nukwakufūnda ku fyīnja fitatu, ukugomokela, kang'i nasiku ukwāngála ni kipānga ukufwāna na kalikōsa ku fyīnja kalongo na fina, kang'i akabalilo kāko umwēne ikwīsa nukwāgāna na Peteri, untu gwa kipānga ku Yerusalemu, abēne bāli kisige ku kisige mu Kimanyisyo. Fiki? U Mbepo Mwikemo yulayula! Apa Peteri osyāga mu Ngamu ya Yeso Kristi, Pauli ābōmbāga kilakila kisita yumo ukumbūla umwēne. Apa Peteri āmanyisyāga ulōsyo lwa Mbepo Mwikémo, kang'i ukukemesígwa, na fyōsa bo ifyo, Pauli ābōmbāga ikindu kilakila, kisita kulālúsya ikipānga, panongwa yakuti Ikyēne āli Kalōngoléla yulayula. Polelo tubagile ukuya bulebule umwisyugu akabalilo kako abāndu bikupīka u Bwanalóli ubu? Akabalilo kāko Peteri āmanyisyāga iki umwēne ābōmbāga ukuti ikipānga kyābikigwāga ndubātiko, Pauli āli ni Kimanyisyo kilakila, 'nongwa yakuti abēne bāli nagwe u Kalōngoléla yulayula.

³⁹ U Kalōngoléla atisakummwégéla yumo kula injila *iyi*, kangu uyūngi kula injila *yila*, kang'i ukuntuma yumo ku busōkélo kang'i uyungi ku bwīngilílo. Muketile, Umwēne isakukuyūngāga umwe palikimo. Kang'i linga uswe itooi twisakundeke u Mbepo Mwikémo atukyungege uswe palikimo, uswe twisakuyaga yumo. Linga—linga uswe itolo tutikundeke mōhesi ukukukwābīla ugwe ku nsebwe unsobi, uswe twisa kuyāga ndumbula yimo, linogonelo limo, mbwitikisanio bumo, nu Mbepo yumo, u Mbepo Mwikémo, u Kalōngoléla gwa Kyāla uyu isakulōngoléla uswe ku Bwānalóli bōsa. Uko ko kotalusya. Lōli ugwe kufimbilisigwa ukukōngésya u Kalōngoléla gwāko. Ena, nkulumba.

⁴⁰ Nketa Nikodemu, umwēne āfumbilwe u Kalōngoléla, lōli umwēne āli nnyāmbála nkomu. Umwēne āli mmanyisi, kifuki ifyīnja malongo lwēle mbukusi. Umwēne āli gwa Bafarisai, pamo—pamo a Makōti ga Sanhedrin, u Bungano, u Lwāgano lwa Balūmbilili. Umwēne āli yumo mwa banyāmbála bābo abakulumba ukukīnda, u manyisi mu Israeli, u fundu pa kyēne. Inogona, umanyisi fundi! Ena, umwēne āménya indagilo, lōli akabalilo kāko ukwēne kwisaga ukuya mpāpīgwe kābubili, umwēne ālondigwāga u Kalōngoléla. Umwēne āli njala pa kyēne. Umwēne āménye pala pābagīle ukuyapo ikindukimo ikikīndāne. Ubulīngānio kwa Kristi ikilo kila bwāsisimikīsyē ikyēne. Ubwēne bōpe bwāsisimikīsyē iki, ubwīpilīke bwa bōsa abēne, lōli nayumo gwa bēne āli nabo bulabula—bulabula ubukifu ubu umwēne āli nabo. Ālipo yumo gwa bēne uyu ābagīle ukwisapo nukubōmba iki umwēne ābōmbīle. Mwwe mwēsa, bāndu, nukunkemela Nikodemu panongwa ya kwīsa pakilo. Umwēne ālisīle kula. Umwēne āfikīle. Une mmenye abāndu bamo batisanukwanda nukwanda mma, pamusi pamo pakilo. Lōli umwēne āfikīle kula, kangī umwēne āfūmbilwe u Kalōngoléla, kangī umwēne alinkuti, “Fundi, uswe,” ukufuma ku Kōti ya Sanhedrin, “uswe tumenye ukuti Ugwe gwe Mmanyisi ikwīsa ukufuma kwa Kyāla.” Nongwa ya fiki umwēne āménye ikyēne? Umwēne āli nsinsimikīsigwe. Muketile, umwēne ālōndāga ukumanya iki ubupāpīgwa bwāke ubupya basanusyāga, kangī umwēne ābūkīle ku ntalusye Yula, panongwa yakuti Kyāla āsisimikīsyē ukuti Uyu āli Kalōngoléla Gwāke, Yeso. Keta isi umwene āyobile, “Mmanyisi, uswe tumenye ukuti Ugwe gwe Mmanyisi gwīsīle ukufuma kwa Kyala, panongwa yakuti nayumo umundu abagile ukubomba ifindu ifi Ugwe kubomba, pene papo Kyala ayege na yumwene.”

⁴¹ Ubwēne bwāli busisimikīsyō pala, ukuti kwālīko u Kyāla gwābūmi nkati mwa Umwēne. Iki Umwene āyobelāga, “Ngaya Une uyu ikubomba imbombo isi; yo Tata Gwangu uyu ikwitūgāsya mwa Une. Nalōlilōli Une ngayoba kwa umwe, u Mwanundumiana akabagīla ukubōmba nakimo mwa Mwēne; lōli iki Umwēne ikukēta u Tāta ikubōmba, kila kyo ikubōmba u Mwanundumiana lulalula. U Tāta ikubōmba, kangī Une ngubōmba ukufuma pala.” Mmasyu agangi, Kyāla āmbonesyāga Umwēne ikyakubōmba, kangī Umwēne ābūkāga nukwakubōmbela ikyēne mōsa. Umwene akābombīle akandu kalikosa mpaka Kyala ālimbulīle Umwene ukubomba ikyene. Amenī. Isyo syo fundo ndupu isyanalōlilōli sya ikyene. Linga uswe twābagīle itolo ukusuganika nukugūlīla mpaka u Mbepo ātusugānia uswe ukubōmba ikyēne! Ikyo kyo ikyēne. Kangī polelo yaga itolo lōsa njōnge mwa Kristi ukuti mpaka Umwēne atikukusugānia ugwe mōsa mūmo Umwēne ikumbombēla une, lōli ukwitikīsyā kunini ukwakwānda kwa ntu Gwāke, ugwe gwītēndekīsyē kangī nakimo kisakukwīmīkāga ugwe, panongwa yakuti ugwe umenye ukuti ikyene kyo bwīgāne bwa Kyala.

⁴² Umwe āfūmbilwe u Kalōngolēla. Umwēne āli Kalōngolēla unsisimikisigwe. Umwēne ābagile ukulongosigwa nu Kalōngolēla uyu panongwa yakuti umwēne āménye u Kalōngolēla uyu āpakigwe na Kyāla. Umwēne āménye ukuti u lwīho ulu umwēne ālubōmbīle, lumo ukwisila mu baFarisai, baSadukai, kangī kilikyōsa ukōngelelāpo, umwēne ābōmbīle ifimanyisyo fila mōsa mula kangī akākibwēne nakimo kikuboneka. Loli apa alipo Unnyambala uyu ikwisa pa buyo, ikuyoba ukuti Umwene yo Mesiya gwa i Bāngēli. Polelo Umwene ikusyumbutuka ukusyungutila kangī ikubomba imbombo silasila isya Kyāla. Yeso ātile, “Linga une ndikubombela imbombo isi Tata Gwangu, polelo komma ukukasubila Une. Lōli linga umwe mutikunyītika Une, itika si mbombo sisisi isi Une ngubōmba, kabuno isyēne sikuyoba isya Une.”

⁴³ Polelo, yo nongwa u Nikodemu ābagile ukuyoba, “Fūndi, uswe tumenye Ugwe gwe Mmanyisi isile ukufuma kwa Kyāla, kabuno nayumo umūndu abagile ukubomba ifindu ifi Ugwe kubōmba kisita Kyala ukuya nu Mwene.” Muketile, umwēne āfūmbilwe u Kalōngolēla, palema nalinga umwēne āli fūndi gwa kīndu kila. Umwēne āli fūndi kwa kipānga kyāke. Umwēne āli nu luyīndīko, kangī umwēne āli—umwēne āli na mabuyo agāpamwanya, kangī umwēne āli nnyāmbāla unkulumba; kisita kwilāmwa, injīndīko ukufuma ku bāndu bōsa mōsa nkīsu. Lōli akabalilo kāko ikyēne kikwisa ku kupāpigwe ka bubili, umwēne āfūmbwāga u Kalōngolēla! Momūmo na nuswe, ena, uswe twāfūmbilwe u Kalōngolēla.

⁴⁴ Kornelio, umwēne āli nnyāmbāla unkulumba, u nnyāmbāla unjindikigwa. Umwēne āyēngile ifipānga. Umwēne abayīndīke abaYuda panongwa yakuti umwēne āménye ukuti ubwiputulo bwāli butalusi. Kangī umwēne āhombāga ubutūli, kangī umwēne iputāga ilisiku lililyōsa, lōli akabalilo kāko Mbepo Mwikémo ikwisa (i Kindukimo kyālyōngeligwéko ku kipānga), umwēne āfūmbwāga u Kalōngolēla. Kyala alintumile umwene u Mbepo Mwikemo. Umwene alinkutuma Umwēne mu mundu gwa Peteri, “Kabuno akabalilo kalakala Peteri akāli ikuyoba a Masyu aga, Mbepo Mwikemo alinkugwa pa mwene.” [Ubuyo busitakandu pa tepi—Nsimbi.] Kyāla ābōmbīle u Kalōngolēla ukwisila mwa Peteri. Umwēne ābōmbīle Ikyēne, Umwēne alindongolile Kornelio ku njila indalusye. Kangī akabalilo kalakala umwēne akāli ikuyoba ikuyoba, u Mbepo Mwikémo alinkugwa pa Bāpanja bala. Polelo umwēne alinkuyoba, “Ngimba u mūndu abagile ukukānisya amīsi, ukuti aba balingōsigwāga?” Muketile, pōpe u Kalōngolēla ikuyoba, komma Peteri. Panongwa yakuti kila kyāli kipāmba kya baYuda. . . pamo Bāpanja, “babūlūfu, babwapufu” ku mwēne, kangī umwēne akalōndāga mukulōnda ukubūka. Lōli u Kalōngolēla alinkuyoba, “Une ngukutuma ugwe.” Ugwe kubōmba ifindu ifi ugwe utikwīnogōna ugwe gwabagile ukubōmba, akabalilo kāko u Kalōngolēla ikwega ubulagili bōsa, akabalilo kāko

ugwe kundeka Umwēne akulōngoléle ugwe. O, mūmo kiyīlile kinunu ikyēne ukulōngosigwa na Mbepo Mwikémo. Umwēne yo Kalōngoléla. Umma ndaga. Umwēne āyobīle ukwisila mwa Peteri nukumbula umwēne iki umwēne ābagīle ukubōmba. Polelo akabalilo kako abēne bōsa bālyāmbilīle Mbepo Mwikémo, umwene alinkuyoba, “Uswe tukabagīla ukukānisya amīsi, bo tukētīle aba bāmbilīle Mbepo Mwikémo bo mūmo nuswe twābōmbīle pa bwāndīlo.” Kangi abēne balinkubōsya abēne tu Ngamu ya Ntwa Yeso. Lilino, Ywāni ālindōngolīle umwēne ukubōmba ikyo? U Kalōngoléla uyu āli mwa umwēne. Ngimba Yeso akābabūlīle abēne, “Mungēgāga ilinogono na limolyēne iki umwe mukuyaga pakuyoba, panongwa yakuti ikyēne kikaya umwe uyu ikuyoba; ikyēne yo Tata uyu ikwītugāsya mwa umwe, Umwēne yo ikubomba isyakuyoba”? Ameni.

⁴⁵ U mfuligwe, ikusuluka ukufuma ku Yerusalemu. Kangi Kyāla āli na Kalōngoléla nkīsu akabalilo kala, u Mbepo Mwikémo, kangi Umwēne āli nagwe u nnyāmbāla pāsī pala uyu ālisusigwe na Kalōngoléla uyu. Umwēne akāli ndumbilili mukuya ndumbilili mma, umwēne āli luko lwa dīkoni ngati. Kangi umwēne āli pāsī pala ikubūmbulūsyā ababine nu kukagīla pānja imisyētāno, nukupela ukuyīgānia ukukunywāmu, ubusangalufu ubukulumba bwāli nkāya kala. Umwēne āli nabo bamia ba bāndu bībūngénie ukunsiyūngutīla umwēne, kangi u Kalōngoléla alunkuyoba, “Ikyo kyo kifwēne, unko uswe tugomokéle injila iyi.” Umwēne akākanikéne nu Kalōngoléla gwāke.

⁴⁶ Komma ukukānikāna ni Lisyu lya Kalōngoléla gwīnu. Nkōngésya Umwēne. Linga ugwe utikubōmba, ugwe kwīsāga ukuya njōnge. Kangi, kumbukilāga, akabalilo kāko ugwe kundéka Umwēne, ugwe guli pa gwīmwēne, popāpo uswe tukulōnda ukumilisyā kifuki kwa Kalōngoléla.

⁴⁷ Popāpo pa nsebwe, Umwēne alinkuyoba, “Kileka ikipāmba iki lilino, Filipu, kangi sōka pānja pa lulangalanga kūko akayako nayumo. Lōli une ngukutuma ugwe pānja pala, kangi pala pisakuyabo umundu yumo akabalilo kāko Une ngungutwālāga ugwe pānja pala.” Apa ikwīsa umfule uyu āli mwēne, umwēne āli nnyāmbāla unkulumba ku mwēhe kula mu Etiopia. Popāpo umwēne āsulukāga, ukubala u Būku gwa Yesaya. Kangi u Kalōngoléla alinkuti, “Būka kifuki ni gileta.”

Kangi umwene alinkuti, “Ngimba umwe kupilikisya iki ugwe kufunda?”

⁴⁸ Umwēne alinkuti, “Ngimba une ngupilikisyaāga bulebule akabalilo kāko akayapo nu mūndu nayumo ugwakundongoléla?” O, mwe! Lōli Filipu āli na Kalōngoléla. Ameni. Kangi umwene alinkwanda ukufuma ku Lisimbo lilalila, kangi alunkulūmbilīla ku mwēne Kristi. Ameni. Kalōngoléla! Komma ukumbūla umwēne ikimanyisyo kimo, umwēne ālimbūlīle umwēne isya Kalōngoléla, Kristi! Kangi

umwēne alinkummōsya umwēne pānja pala mu mīsi gamo. Naloli, agēne gāli. O, mūmo une nkiganīle ikyo!

⁴⁹ Akabalilo kāko Israeli āsōkīle mu Igupti ukubūka ku kīsu ikifīngigwe, mu Kusōka 13:21, Kyāla āménye ukuti abēne bakālyēndilēmo siku injila yila pabutasi. Iyēne yāli itolo amamailosi malongo mana, lōli pāpe abēne balondigwāga ikindukimo ukubūka nabo. Abēne angali bikuyōnga pa njila yābo. Popāpo Umwēne, Kyāla, alinkutuma ku bēne u Kalōngolēla. Kusōka 13:21, ikindukimo bo iki, “Une ngutuma u Gwāndumi Gwāngu pankyēne pa umwe, i Mbānda ya Mōto, ukubakyūnga umwe mu njila,” ukubalōngolēla abēne ku kisu ikifīngigwe iki. Kangi abāna ba Israeli balinkukōngēsya u Kalōngolēla yula, i Mbānda ya Mōto (pakilo), i Libīngu pamūsi. Akabalilo kāko Ikyēne kyālīmīle, abēne bālīmīle. Akabalilo kāko Ikyēne kyēndāga, abēne bēndāga. Kangi akabalilo kāko Umwēne alinkubatwāla abēne kifuki ku kīsu, kangi abēne bakāli bākufikāpo ukubūka ukukilania, Umwēne alinkubalōngōsya abēne ukugomokēla mu lulāngalānga kangi. Umwēne akābagāle ukubūka kāngi na bēne.

⁵⁰ Ikyo kyo iki ikyene kili, i kipanga umwīsyūgu. Kisita kwilāmwa lōli fiki ulutangamoyo lwa Kyāla umwīsyūgu, bo ukwēne kwayīlīle mmasiku ga Noa, ikipānga angali naloliloli kikīndīle linga ikyēne kyāli itolo kyakutalusīgwa nukubīkīgwa ndubātiko. Lōli Umwēne ikufīmbilisīgwa ukulōngosya uswe ukusyūngutila nu ukusyūngutila nu ukusyūngutila.

⁵¹ Panini apa Israeli āménye, akabalilo kāko abēne baywēgāga, bo bikukētā abasikali abafwāno aba Igupti, ifalasi imilwe, amagileta ga Farao amagalabuligwe pamwanya ukuya pāsa, abēne bākabile ubuponjoli bwābo, Mōse mwa Mbepo, ikwimba mwa Mbepo, Miriamu ikumoga mwa Mbepo, kangi abanabalīndwāna ba Israeli bikubopa-bopa pa kiloboko, bikuywēga nukumoga, abēne bāli itolo amasiku manini itolo ukufuma ku lupyū nu lūki. Kanini aka abēne bāménye ikyēne kyāli fyīnja malongo mana kubutali, panongwa yakuti abēne balinkwānda ukwilūmbūsya kwa Kyāla kangu u Kalōngolēla.

⁵² Kangi uswe tukwāga twībe’ne mu njila yilayila. Une ngubūka ku Shreveport ukufuma apa. Kangi Mbepo Mwikēmo āgwīle i Lisiku Lyakupālisya, ifyīnja malongo mahano ifi fikindilēpo, mu—mu Louisiana, pa Lisiku Lyakupālisya. Mūmo ikipānga kigwīlīle ukufuma akabalilo kala! Ngimba umwe mukusyāgānia ukuti i kipanga kya Katolika Gwaroma ku bwāndilo kwāke kyāli kipānga kyapentekosti? Ikyo kyo bwanaloli. Ikyo kyo kutalusya. Ikyene kyaali kipanga kyapentekosti, lōli abayīndikīgwa abūmano balinkwānda ukwīngilāmo nukwāndula a—a Masimbo ga Kyāla ku nyīho syābo, ukōngelēlako ku Lyēne ifyitikisīgwe, na fyosa bo ifyo. Kangi kētā iki abēne balinakyo lilino, na kapatu nakamo aka Lisimbo mu kilikyosa kya ikyēne. Abēne bāpyanikisye

ikindukimo pa kindukimo ikingi, akapatu ka nkati mbuyo bwa Mbepo Mwikémo. Abène bāpyanikisyépo ukunyāfila mbuyo bwa kwibísya. Abène pāpyanikisyépo “Tāta, Mwanundumiana, na Mbepo Mwikémo” mbuyo bwa “u Ntwa Yeso Kristi.” Abène bāpyanikisyépo ifindu fyōsa ifikulumba ifi ifya Kyāla ifi fyābikiligwe kuli uswe, kangi abène bali kubutali, kubutali ukusōkápo, kubutali ukusōkápo ukufuma ku Kimanyisyo Kyammasimbo.

⁵³ Kangi Pentekosti āgwíle mu Louisiana, ifyīnja malongo mahano ifi fikīndilépo, kangi linga ikyēne kikwīma ifyīnja bamia babili ifyakōngelelāpo, ikyēne kisakuyaga kubutali ukukīnda mūmo kiyīlīle ikipānga kya Katolika, linga ikyēne kikumilisa ukugwa mu njila ikyēne kiyīlīle ifyīnja malongo mahano ifi ififikīndilépo, ’nongwa yakuti abène bo itolo bikōngeléla ku kyēne akabalilo kōsa, kingikingi. Abalūmbilīli ba njila-syaiyolo bakīndīle. Ingomano sya ndukīndi, ugwe utikupilikamo siku isya ulwēne. Ikindu kyosa iki uswe tuli nakyo kyo kibugutila kya Hollywood kyongeligwe ku kyene, abakīkūlu abatumule inywili bikufwāla ibūndu, bīpakīle ilangi mōsa, na filifyōsa ifingi, bikwīkōléla bēne Bakristi. Yumo u Pūsi unnini ni gitala, ukubōpa bopa pa buyo, kangi abakīkūlu ni diresi afwēle lipinyēne fiyo ngati i . . . itolo ngati nyama ya nkipapa ni—ni kipapa kili pānja, kifuki, bikwiyugania palipōsa pamwanya pa kigemo, bikubopa bopa pa kigemo, bikumoga ni ndebelebe sikulēdebela pāsi, kangi kumo mwa uku apa ukutumula kwa nywili kwa mwehe-gwa-kīsu, polelo ukwīkōléla kyēni Kikristi.

⁵⁴ Iki uswe tukulōndígwa bo bwiputiputi bwanjila-syaiyolo, butumígwe-na-Kyāa, bwakukemela ubu bwisakukemela ubwakisu bula ukufuma nkipānga. Uswe tukulōndígwa ukugomokéla kwa Mbepo Mwikémo nu Mōto, ukugomokela ku kīndu iki kikukōsya amakāndi mōsa, kikugomokésya ukulūmbilīla kwa njila-syaiyolo kangi, kikupela ku Mwanya kuyege kwapamwanya, kangi gehena ukuya mpyano, ukutalula kwāfwefwe-ya-ndusu. Uswe tukulōndígwa uluko lula ulwa kulūmbilīla. Lōli ugwe bōmba ikyo umwīsyūgu, ikilūndīlo kyāko kisakusala ukusōsyāpo ugwe.

⁵⁵ Utubalilo tumo abalūmbilīli abanunu bikulōngoígwa kubujōnge ni kilūndīlo kyābo. Iyo yo nongwa une ngaya nakyo ikipānga-kipāgūke. Une ndinako kulikulumba kumokwēne, uko ko ukufuma ku Mwanya. Kulikosa kuno Umwene ikutumaga, Une ngubukaga. Ikindu kilikyosa iki Umwene ikuyoba, Une nguyoba. Uswe tutikulōnda nakimo ikipānga-kipāgūke. Ikipānga iki kikuyobamo siku isya kipānga-kipāgūke, umwe mutāgīle untimi gwīnu palapala palā. Une ndisakusyalāga ukusyūngutila ikyēne mma, komma yimo maminiti-mahano. Ikipānga kilikyōsa iki kyapāgwīkémō siku kyābūkīle ku mbeyu, kangi mbula une kimokyēne iki kikābōmbīle, kangi mbula une kimokyēne iki kyāsumwīkémō siku kangi. U Mbepo Mwikémo

atumigwe ukulôngosya i kipānga, komma ikubugutila kya bāndu bamo. Mbepo Mwikémo yo mahala-gōsa. Abanyāmbála bikufika pakūma, kisitakupāsyā.

⁵⁶ Kyāla ābabūlīle abēne ukuti Umwēne ikubatumulāga abēne u Kalōngolēla, Umwēne ikubalōngosyāga abēne mu njila. Kangi akabalilo kōsa abēne bakōngāga i Mbānda ya Mōto yila, abēne bāli kanunu. Umwēne ābalōngwīsyē abēne mpaka ku kipata kya kīsu ikifīngīgwe, kangi polelo bula bwāli bo butali ubu Umwēne ābagīle ukubūka. Polelo Yoshua, undwabwīte inkulumba yula, kumbukilāga ilisiku ili umwēne ābabūlīle abēne, “Ikemesya mwībēne, ilisiku lyabutata Kyāla isakwīgūlāga Yorodani pāsi pala kangi uswe twisakulobokaga”? Lilino ketesya iki umwene āyobīle (une nkiganile iki) mu Lisimbo, umwene āyobīle, “Yaga kifuki kunyuma kwa Bokosi, kabuno umwe mukakilaniāmo injila iyi siku pabutasi.”

⁵⁷ Ngimba i Bokosi lyāli fiki? I Lisyu. Komma ukwēndela injila sya kipānga-kipāgūke lilino, yaga papapo kunyuma ku Lisyu, nongwa yakuti umwe mukakilaniāmo siku injila iyi pabutasi. Kangi, nkundwe, kinga siku kalimo akabalilo aka kipānga Kyakristi kikulōndīgwa ukwiyāgania kyēne, ko lululu ulu. Uswe tuli papapa lilino kūko ulukomano ulukulumba ulu lukukīndilīla mu Roma lululu ulu, ingīndāno sikutēndekégwa, ukubūngāna kwa fipānga, akabalilo kāko ifipānga-fipāgūke ifi fikibūnganisīgwa palikimo ukubūmba ikifwāni kya kinyamana, katikati itolo iki i Bāngēli likuyoba. Kangi umwe mumenye iki uswe tuyobīle ulubunju ulu mu Ndumi. Kangi apa uswe tuli, itolo filifyosa papapa pa kifigo, kangi abāndu pōpe bakāli bikukōnga ikimanyīsyō. Ugwe kinunupo syālāga kunyuma ku Lisyu! I Lisyu likwisa kukulōngosya ugwe ukukilania, panongwa yakuti i Lisyu lyo Kristi, kangi Kristi yo Kyala, kangi Kyala yo Mbepo Mwikemo.

⁵⁸ Syālāga kunyuma ku Lisyu! O, ena, nkulumba! Syālāga nu Kalōngolēla yula. Syālāga palapala kunyuma ku Lyēne. Komma ukwīsa nkyēne mwa Lyēne, ugwe syāla kunyuma ku Lyēne. Lileka Ilyēne likulōngosye ugwe, komma ukulilōngosya Ilyēne. Ugwe lileke Ilyēne libūkége.

⁵⁹ Yoshua āyobīle, “Lilino, umwe mukakilaniāmo siku injila iyi pabutasi, umwe mukamanya nakimo isya nsebwe.”

⁶⁰ Ulo lo lutamio umwīsyūgu. Umwe mutikufūmbwa nayumo u kalōngolēla ukukulōngolēla umwe ukusuluka unsebwē umpapate. O, umwe mumenye inguto syōsa na filifyōsa ifingi. Umwe mumenye injila yōsa ku butulwanongwa. Akayapo nayumo. . . O, umwe mulipo mukusyūngutīla akabalilo katali fiyo. Bukayapo nubufūmbwe bwa munduyumo ukugela kukubūla ugwe isya ikyo, ugwe umenye syōsa isyakutumula. Uko ko kotalusya, ubutulwanongwa bōsa, umwe mumenye fyōsa ifya ikyēne. Nayumo ikufimbilisīgwa ukukubūla ugwe akībilo; ugwe umenye ikyo. Nayumo ikufimbilisīgwa ukukubūla

ugwe akahelulilo; ugwe umēnye ikyo. Nayumo ikufimbilisigwa ukubūla ugwe akabōmbelo ka findu ifibibi ifi, panongwa yakuti ifyēne fibikigwe pa mpiki guligōsa paliposa.

⁶¹ Lōli, kumbukilāga, umwe bāndu aba bo Bakristi, umwe mukilēnie kula. Umwe muli n’Kīsu ikingi. Umwe mupāpigwe kabubili. Umwe muli n’Kīsu, i Kīsu Kyakumwanya. Umwe muli mu Kīsu ikifingigwe.

⁶² Umwe mubagile ukukēta, umwe mumenye injila yīnu ukusyungutila apa. O, mwe, ena. Umwe mumenye iki—iki, akīmilo pa kiboko kimo kya makadi gamo. Umwe mumenye iki inguli, akabalilo kāko iyēne yikubūngulūka, iki iyēne yikusanusya, kangī kilikyosa bo ikyo. Lōli akabalilo kāko ikyēne kikwisa ku bwikēmo nu bugolofu na maka ga Kyāla, kangī mūmo Mbepo Mwikēmo ikibōmbēla kangī iki Umwēne ikubōmba, ugwe kinunupo syālāga kunyuma ku Lisyu, u Kalōngolēla. Muketile? Umwe mukakilaniāmo siku injila iyi pabutasi.

⁶³ Mulimosa, umwe mukuyoba, “Une nāli fiyo mūndu nkomu, une nāli—une nāli nago ama digrii mu koleji.” Ugwe kinunupo gwībwe isya ikyēne. Ena, nkulumba.

⁶⁴ “Une mbukilemo mu seminale.” Ugwe kinunupo gwībwe isya ikyēne. Ena. Ugwe kinunupo syālāga kunyuma kwa Kalōngolēla. Ndeke Umwēne akulōngosye ugwe. Umwēne amēnye injila; ugwe ukamanya. Ugwe ukukakilaniāmo siku injila iyi pabutasi. “Mulimosa,” ugwe kuyoba, “abēne babōmbile.”

⁶⁵ Mukete linga abene babōmbile. Yeso āyobile, “Bala bābo bakileniēmo mu njila iyi, ifimanyilo ifi fisakukongāga abēne. Ingamu Yangu, abene bisakusosyaga imisetano, ukuyobela ni ndimi imbya; pamo bikupimbaga imiyoka pamo ukunwa ifindu ifigogi, ikyene kitisakufulasya. Linga bikwala amaboko gabo pa babine, abene bisakubumbulukaga.” Bingi ba abēne bikukāna Ilyēne, bikupika Ilyēne, bikuyoba Ilyēne likaya nukuya lipakigwe. Abēne batikukōnga u Kalōngolēla mma. Abēne bikukōnga ikimanyisyo ikitēndekigwe-nu-mūndu. Ugwe kinunupo syālāga kulakula ku nyuma ku Lisyu, panongwa yakuti ugwe ukakilaniāmo siku injila iyi pabutasi, ugwe umēnye.

⁶⁶ Lōli ugwe upāpigwe kabubili, kangī ugwe upāpigwe mbugolofu. Umwe mukakilaniāmo siku injila iyi pabutasi mma. Umwe mukilenie- . . . Linga umwe mukukilania injila iyi, umwe mukufimbilisigwa ukwīsila bwikēmo, panongwa yakuti ikyēne kyo Kīsu kipya, u Būmi ubupya, abāndu abapya.

⁶⁷ Umwe mwisakwisa ku kipānga kangī umwe mukupilika umundu yumo ikufyūka mmwanya, ukuywēga, “Lwimiko kwa Kyāla! Haleluya!”

68 Fiki, ugwe kuyobaga, “Mwe, bununu, abêne bakabômbâmo siku ikyo mu kipânga kyângu! Une nisakufyûkâga mmwanya nukusôkapo!” Um-hum. Muketile? Mwandege.

69 Syâlâga kunyuma ku Lisyu, lilino, deke u Kalôngolêla akulôngosye ugwe. “Umwêne isakukulôngolêla ugwe mu Bwânalôli bôsa, nukusetula ifindu ifi fifyo une njobilepo kwa ugwe. Umwêne isakukunângisya ugwe ikyo. Umwêne isakukubûla ugwe ifindu ifi fikwîsa,” u Kalôngolêla ugwabwanalôli. Komma ukubûka kwa bishopu; bûka kwa Kalôngolêla. Komma ukubûka kwa aligwêsa lôli kwa Kalôngolêla. Umwêne yo Yumoywêne yûyo âtumígwe ukukulôngolêla ugwe. Umwêne yo Yumoywêne yu isakubômba ikyêne. Kyâla akupêle ugwe u Kalôngolêla. Ega injila imbígwe na Kyâla.

70 Ulutamio lwa ikyêne lo umwîsyûgu, ukuti abându aba bikwîsa ku kipânga bikwitûgâsya itolo amaminiti manini, ikindukimo kikukîndilîla iki abêne bakîsibîla nakyo.

71 Une ngunyonwa akakîkûlu akanini ukufuma ku kipânga kitalale ikyanyîho, nâli itolo nu lwîputo nu mwêne. Kyâla ikuyaga pakubumbulusya unkîkûlu unnini yula. Umwêne akâpilikîsye iki. Umwêne akâmenye nakîmo ikya ikyêne. Umwêne ikwîsa mula, umwêne âyobîle akâmenye mma. Lôli une nâlimbûlîle umwêne, “Ugweisa kangî gwagane na une.” Umwêne mu luko lwa gwasoni kangî gwantwaya, lôli u Kalôngolêla alinkûmilisya ukumbûla umwêne, “Kîndililâga nkyêni.” Umwêne alinkukyâga ikyêne. Ikyo kyo ikyêne. Muketile, ikyêne kyo nongwa ya Mbepo Mwikêmo uyu ikulôngolêla uswe ku fîndu ifi. Muketile, Kyâla ali nayo injila imbígwe.

72 Ngimba umwe siku...Ngimba umwe muketesîsye amasêkwa gândîsu gikukilania kula, amasêkwa gikubûka kwîtôngo? Mulimoso, lilino kumbukilâga, akasêkwa akanini akaiyolo aka kâpâpígwe pamwanya pa nkitubwi pabuyo bumu. Umwêne atikumanya kubusôkêlo, kululu, kubwîngilîlo kangî kwîtôngo. Umwêne amênje nakimo lôli kikitubwi kitûgesye pamwanya pala mfyâmba mu Canada. Umwêne akasokilêmo siku mu kitubwi kila, lôli umwêne âpâpígwe ndongosi. Akasêkwa akanyâmbâla akanini kala kâpâpígwe kalôngosi. Kangî ikindu ikyâkwânda, ikilo kimo gâlîko amatalala manywâmu gikugwa ukukilania pamwanya pa fyâmba fila. Ngimba kikuboneka kyo fiki? Umbelo untalalifu gula gukwisa ukusuluka ukukilania ukukînda pala. Une mbagîle ukwinogonela umwêne ikukîngîma, ikuyoba, “Mama, ngimba iki kukusanusya fiki?” Muketile, umwêne âkalîpilikêmo siku ubutalalifu bula. Umwêne alinkwânda ukukêtésya ukusyûngutîla, umwêne ikwânda ukukêtésya ukusyûngutîla mu lwêmbe lwa kitubwi, ikyêne kilinkwânda ukûma nu butalalifu, amatalala ukwîsa pa kitubwi. Umwêne atikumanya mma,

lōli nakalinga itolo...Umwēne apāpīgwe ukuya kalōngoléla ku ntimo gwa masekwa gula. Umwēne ānyēlāga palapala panja pakatikati pa kitubwi kila akabalilo kāko ikyēne kikuntika umwēne. Ugwe kibilikila ikyēne iki ugwe kulōnda. Uswe tukukibilikila ikyēne lupakigo, pamo umwe mubagile ukukibilikila ikyēne, o, itolo mabyebye, kali ikyēne kyo fiki. Umwēne isakwēndesya palapala panja mu katikati mwa kitubwi kila, ukusōsya ikiywēgelo kyāke ukufyūsa mmwanya, nukubūka, “Kwee-kwee, kwee-kwee!” Kangi ilisēkwa lililyosa pa kitubwi lisakwīsa kulakula ku mwēne. Fiki? Abēne bamenye u ndongosi gwābo, itolo mūmo umwēne ikuywēgela.

⁷³ “Linga ingangabwite yikupa akōgo akasitakusisimikisigwa, ywani abagile ukwitetendekekesya mwene ku bwite?” Kutalusya. Ywani abagile ukwitetendekekesya mwene ku bwite linga ingangabwite yikupa akōgo akasitakusisimikisigwa?

⁷⁴ Mulimosa, ling akasēkwa akanini kala kakupa u kwekwe unsitakusisimikisigwa, ywani ikwitēdekesyāga mwēne ku lupululuko? Akasēkwa akanini akaiyolo kala kisakwīnusya mmwanya akalomo kāke akanini panja pala, nukuywēga, “Kwee-kwee, kwee-kwee!” Kangi akasēkwa kalikōsa akanini kisakwisaga ku mwēne. “Kwee-kwee, kwee-kwee!” Apa abēne balipo. Lo lusekelo lwa jubili nki abēne bisakuya nalo, palapala pala pakatikati pa kitubwi, itolo ukwīgalabusya nu kwīgalabusya nu kwīgalabusya. Ukufuma pa kabalilo umwēne ikwīpilīka ikyēne kikwēnda pa mwēne, umwēne ikufimbilisigwa ukusōkāpo. Umwēne isakutēndēka utupiko twāke utunini nukupululuka ukusōkamo nkitubwi kila, ukubūka mmwanya nukusyūmbutuka ukusyūngutīla kana pamo kahano, nukubūka itolo ukutaluta ku Louisiana mūmo umwēne abagile ukubūka, ilisēkwa lililyōsa kulakula kunyuma ku mwēne. “Kwee-kwee, kwee-kwee,” apa umwēne ikwīsa. Fiki? Umwēne yo kalōngoléla! Ameni! Amasēkwa gamenye u kalōngoléla gwābo, ikipānga kikamanya. Ena, umwēne amenya ikyakubōmba.

⁷⁵ Keta amasēkwa agaiyolo gala, ukufuma injila yosa ku Alaska. Lilino, lilipo ilisēkwa ilinyāmbala ilyaiyolo akabalilo kōsa likubalōngosya abēne, kangi amasēkwa gala gikufimbilisigwa ukukēta kwa yula lisēkwa linyāmbāla mōsa kanunu fiyo. Abēne bikufimbilisigwa ukumanya iki ilisēkwa ilinyāmbāla lila likuyobelapo. Ngimba umwe mwābalīle kila mu magazini ya *Look* apa kifuki ifyīnja fina ifi fikīndilēpo, kūko ilisēkwa ilinyāmbāla ilyaiyolo akabalilo kamo akāménye iki umwēne ābōmbāga? Kangi umwēne ālōngosīsyē ikibugutīla kya masekwa injila yo ukukilania ukubūka ku England. Uko ko kutalusya. Abene bakamanyīgwe mma ukuya mu England napabutasi mma. Fiki? Abēne bakakētēsīsyēmo siku u gwābo—gwābo undongosi. Ilisekwa ilinyāmbāla lyaiyolo lila likāménye kūli umwēne ābūkāga. Kangi lilino abēne bali kula kangi bikutoligwa ukugomokela.

⁷⁶ Ikyo kyo iki kitamísyé nu kibugutila kyōsa kwa masēkwa aga umwísyúgu, abēne bakāli bikwībūngānia. Abēne bikuyoba, i magazini ya *Look* yila yikuyoba, amasēkwa aga galinkubūngāna nukupululuka ukusyūngutíla ukukilania kula ku England, lōli agēne gakamanya akagomokelo. Iyo yo njila ikyēne kili na gamo mwa *masēkwa* aga une ngamēnyemo. Umwe mukufimbilisígwa ukwībūngānia, kangi ulukomana ulunywāmu ulutali, nukuya na yumo unjiganiaji ukwisa pala nukulūmbilíla pakabalilo, lōli umwe mukamanya kūko umwe mukubūka. Ukubūngāna ukusyūngutíla nu kusyūngutíla, panongwa yakuti muli nalyo ilisēkwa ilinyāmbála ukubalōngósya umwe ukusōkápo pa bwíkyélo bwa kipānga-kipāgúke; kangi komma ukugomokela ku Lisyu lya Kyala, ukugomokela ku losyo lwa Mbepo Mwíkemo. Kangi polelo uswe tukuswíga nongwa yafiki uswe tukaya nalo uluyígo mmasiku gítu. Um-hum. Muketile? Umwe mukufimbilisígwa ukukaba a Kōgo akasisimikísigwe kala! A Kōgo kala yo ngangabwíte ya Nongwainunu yikutúyíla pánja i Nongwainunu, lililyōsa i Lisyu lya Kyāla. Komma, ikipaguko; loli i Libangeli, u Mbepo Mwikemo. “Ifika ifi fisakukongaga abene aba bikwitika.” Muketile? Kangi kula abēne bikubūka ukusuluka u nsebwe.

⁷⁷ Ilisēkwa limolyēne ilinyāmbála akabalilo kamo, abēne bāyobíle, lilinkugogesya ikipāmba, ukugela ukupululusya agēne ukukínda mu ngísi, akaamenye kuko umwene abukaga, mwēne, kangi agēne gōsa galinkutíka ukwikoma nkyāmba panja pala, kangi gamo mwa gēne galinkulāsulanika, ukupufuka mōsa. Nalóli! Agēne gikufimbilisígwa ukumanya akōgo kabo akasisimikísye. Ilisēkwa ilinini ilyaiyolo lila, linga umwēne alinako akōgo akasisimikísigwe kangi aligwēsa amēnye akēne, agēne balinalo ulusekelo lwakubūngāna lwa jubili kangi ukusōkápo abēne bikubūka kwítóngo. Ngimba agēne gikubūkíla ukusuluka kula panongwa ya fiki? Kūka kukaya kutalalifu.

⁷⁸ Lilino, linga Kyāla ikupa ilisēkwa ilinogono ilyakufwāna ukumanya akabékelo ka butalalifu, ngimba ko kulōndigwa nki Umwēne ukupa kukipānga? Linga ilisēkwa libagíle ukubōmba ikyo mmabyēbye, ngimba bule u Mbepo Mwíkemo nkipānga? Ikyēne kibagisēnie ukutulōngósya uswe ukufuma ku nyiho ni fimanyisyo ifyaiyolo ni findu, ukubūka mu lwalwímiko, ulununu ulōsyo lwa Mbepo Mwíkemo. Ikyēne kikutwāla akayílo, ubumanyi, ubutēngamoyo, ubunyakyāla, kangi u Mbepo Mwíkemo. Ikyo kyo iki u Kalōngoléla ugwānalóli isakulōngosya, ’nongwa yakuti Umwēne isakutúyilága pánja nakimo lōli i Nongwainunu, itolo i Lisyu lya Kyāla. Nalóli, ugwe kufūmbwa u Kalōngoléla!

⁷⁹ Akabalilo kāko, abamanyandondwa, abēne bakāmēnye nakimo lōli Kyāla. Abēne bāli—abēne bāli babōmba-mānjele, bāmanjele. Abēne bāli kula ku busōkelo. Umwe mumenye, i Bāngéli lyāyobíle, “Uswe tulubwéne u Lutōndwa Lwāke ku

Busòkelo, twísíle ukummwípúta Umwēne.” Abēne bāfumíle ku bwīngilílo, abēne bākētíle ku busòkéló nukulubóna u Lutōndwa Lwāke. . . pamo bākētíle ku bwīngilílo, abēne bāli ku Busòkéló. “Uswe twāli ku Busòkéló, kangí twalubwēne u Lutōndwa Lwāke ku bwīngilílo.” Muketile? “Uswe tulubwēne u Lutōndwa Lwāke ku Busòkéló.” Kangí, muketile, abēne bāli ku Busòkéló. “Akabalilo kāko uswe twāli ku Busòkéló uswe twālubwēne u Lutōndwa, kangí uswe twísíle ukummwípúta Umwēne.”

⁸⁰ Une mbagíle ukwīnogonéla ukubabona abínitu bala bikwītēndekesya ukubūka. Une mbagíle ukwīnogonéla yumo mwa bakasi bābo āyobile ku mwēne, alinkuti, “Bule, mbāngénie filifyōsa mōsa, lōli ikyakuyobela kulūlu kili kūgu?”

Umwēne alinkuti, “Une—une ndikuya pakubōmbéla ikyakuyobela kulūlu akabalilo aka.”

⁸¹ Alinkuti, “Ngimba ugwe kukīndága bulebule ukukilania ifyāmba?” Kumbukilága, abēne bafimbilisigwága ukukilania i Kisoko Tigrisi nukusuluka ukukīnda ifipālo, kangí i . . . fiki, abēne bāli nu bulēndo bwa fyīnja fitatu pa ngamíla. Ngimba abēne bayaga pakubōmba bulebule ikyēne? Alinkuti, “Ena, ugwe utikwēga nukwēga ikyakuyobela kulūlu.”

Alinkuti, “Umma.”

“Ngimba ugwe kubūkága bulebule?”

⁸² “Une ngubūka injila imbīgwe na Kyāla. U Lutōndwa lula kwísílya lusakundōngosya une ku Mwalafyāle yula.” Ikyo kyo ikyēne.

⁸³ “Uswe tulubwēne u Lutōndwa Lwāke ku Busòkéló, kangí tulukōngíle Ulwēne injila yōsa ukufika kuno ku bwīngilílo, ukummwípúta Umwēne. Ali kūgu Umwēne?” Abēne bākōngesísye injila imbīgwe na Kyāla. Abēne balinkwiyēkēla ni kipāmbó kya fimanyisyo pāsi pala mu kabalilo kanini. Abēne bisile mu Yerusalemu nukwānda ukwēmbéla mu lukīndi, abāndu aba abafwāle kanunu, bikuyóba, “Ngimba Umwene yo ali kūgu? Alikūgu Umwene apāpígwe Mwalafyale gwa baJuda?” Mulimōsa, gula gwāli ntu, yula āli Yerusalemu. Nalōlilōli ikipānga ikinywāmu kikulōndígwa ukumanya ikindikimo ikya Ulwēne. “Ngimba Umwēne ali kugu? Ngimba ali kūgu Umwēne apāpígwe Mwalafyale gwa baJuda? Uswe tulubwēne u Lutōndwa Lwāke ku Busòkéló, uswe tukwīsa ukummwipúta Umwēne. Ngimba alikūgu Umwēne?”

⁸⁴ Fiki, abēne bābūkile kula ku ntīmi *Gwakuti-na-gwakuti*, kangí ku mputi-nkulumba *Gwakuti-na-gwakuti*, nayumo gwa bēne ābénye nakimo ikya Ulwēne. “Fiki, alipo Yumoywene uyu apapigwe mwa Mwalafyale gwa abaJuda baabombile kwa Umwēne?” Abene bakakimenye umma.

⁸⁵ Lōli kyālipo ikipāmbó kya batīmi pānja pala pa libafu lwa kām̄ba itolo bikuya abēne a kabalilo, ena, nkulumba, panongwa yakuti abēne bālísíle injila imbīgwe iya Kyāla.

⁸⁶ Popāpo abene bāsyēle pala, kangi nukutalula umwēne alinkuyoba, “Une ngubabūlāga umwe iki uswe tukulōndígwa ukubōmba, uswe tukulōndígwa ukuya nu lukōmāno lwa bakulumba.” Popāpo abēne balinkubilikila mula u Lukomano lwa Sanhedrin, kangi—kangi balinkwīnogona ukuti linga abēne bāpilíkēko kalikōsa ka Ulwēne. “Umma, uswe tukamanya nakamo aka Ulwēne.”

⁸⁷ Ikyo kyo kindu kilakila ikyene iki kiyiliile umwisyugu. Abēne batikumanya nakimo isya Kalōngolēla uyu, u Mbepo Mwīkēmo uyu yūyo ikubūmbulúsyā, ikwisusyā, ikupoka, ukwisa kāngi. U Kalōngolēla uyu atubūlile uswe ifindu fyōsa ifi fifyo fiboníke, apa uswe tulipo palapala nkati mwa ifyēne. U Mmanyila-ngāni gwa minogono ga ndumbula; abēne bakamanya nakimo isya Kila, abēne bikukōlēla Ikyēne bulagusi bwabōngo pamo ikindukimo. Abēne bakamanya ikyakuyoba kya Ikyēne.

⁸⁸ Popāpo, umwe muketīle, abamanyandondwa bala, akabalilo kōsa...Kumbukilāga, akabalilo kāko abēne bālingīle mu Yerusalemu, u Lutōndwa lulinkuyōnga. Kangi akabalilo kāko ugwe kulōndesyā ifimanyisyo nu mūndu gwakipānga-kipāgūke ukukulōngosya ugwe kwa Kyāla, ubutūli bwa Kyāla bwisakukuleka ugwe. Lōli akabalilo kāko abēne bākatēle ni kyēne, nukufileka ifyēne, ukuleka ifimanyisyo ni fipānga-fipāgūke fya baYuda bala, nukusōkāmo mu Yerusalemu, polelo u Lutōndwa lulinkubonekela kangi kangi abēne balinkusangaluka nu busangalufu ubuwakukīnda ubukulumba. Abēne balimbwēne u Kalōngolēla kangi! O, mūmo ikyēne kiyīlīle, ukufika pa kipānga kimo ikyaiyolo ikitalale ikyānyīho, polelo ukufika ukugomokela ku bununu bumo pa moto, kēta u Kalōngolēla ikulōngósya, ko kukindana kuki ikyēne kili! Ena, “Uswe tulubwēne u Lutōndwa Lwāke ku Busōkēlo kangi uswe twisile ukummwīpūta Umwēne.”

⁸⁹ Yoshua āyobīle ku bēne, “Lilino umwe kōngésya i Bokosi, ’nongwa yakuti umwe mukayamo siku mu njila iyi pabutasi.” Kyāla atisakwītíkísyā i Bokosi lila ukubūka kulíkōsa lōli kubutalusye. Aligwēsa alikōngāga Ilyēne, kangi Ilyēne lyābūkile palapala ukukilania Yorodani.

⁹⁰ Lulalula mo umwisyugu, ukwisila mwa Mbepo Mwīkēmo. Ena, nkulumba. Ikindu kyene iki uswe tumenye, kali yo Mbepo Mwīkēmo pamo umma, uswe tukukēta ifyakubone-... ifyakubonekela fya Ilyēne, ifyakubonekela fikusisimikisya i Lisyu lya Kyāla.

⁹¹ Lilino, pakaya patali mma, ikipāmbō kya bakundwe bāli ni lilopa na mafuta, kangi ikyo kyo kyōsa kili kanunu linga abēne bikulōnda ukubōmbela mu njila yila. Une... Ikyo kikaya kisisimikisyo kwa une. Ikyēne kyo kisisimikisyo kya Lisimbo, muketile, pene pāpo ikyēne kikusisimikisya iki Kyāla āyobīle, ikyo kyo kili kanunu mōsa. Abene balinkuti, “Iyo yo nongwa ugwe guli na Mbepo Mwīkēmo, ugwe uli ni

mafuta nkiboko kyāko.” Lilino, une—une ngabagila ukubūka kuli kila. Muketile? Umma, une ndikwītika ukuti amafuta gali na kalikōsa akākubōmba ni kyēne. Kangi linga ililopa lila likuyaga pakubūmbulusya nu bupoki, ngimba fyo fiki fyābonike ku Lilopa lya Yeso Kristi? Linga amafuta gala gikubumbulusya, ngimba bule ubukomigwe Bwāke? Muketile? Muketile?

⁹² Une nīganīle ukuti u Kalōngoléla īse, uyu ikukutwāla ugwe ku Bwānalōli bwa Lisyu, polélo ugwe umenye abēne ugwe ufikilépo mula kangi ugwe gwītēndekīsyé ku butegelélo. Uko ko kotalusya, fikilépo ukwītēndekēsya kukupululuka ukusōkápo. Ena, nkulumba. Ena, panongwa ya fiki? U Kalōngoléla yo Yumo Yūyo ikitēndéka ikyēne ukuya kyanalōli.

⁹³ Une ndinalyo i Lisimbo apa, une nāpéle a Masimbo aga, lōli une ngulōnda limo ili. Umwēne yo Peteri Gwakibili, untu gwa 1, amanandi ga 21.

Kabuno. . . ubusololi bukālīsīle ntubalilo utwaiyolo nu bwigane bwa mundu: loli na abanyambala abikemo aba Kyāla bāyobaga bo abene bagutigwe na Mbepo Mwikemo.

⁹⁴ Ngimba ubusololi bwālīsīle bulebule? Komma ukwisila mu bwīgane bwa mūndu, ifimanyisyo fyafipānga-fipāgūke; lōli ukwisila mu bwīgāne bwa Kyāla, akabalilo kāko amanyāmbala bāgutigwe na Mbepo Mwikémo. Umwēne akabalilo ayīle Kalōngoléla gwa Kyāla. Uyo yo Mbepo Mwikémo uyu āli mu Mbanda ya Moto, yula āli Mbepo Mwikémo, unnyambala aligwēsa amenye ukuti yula āli Kristi. Mōse alinkutaga Igupti, afyūsīsyé ukuheluligwa kwa Kristi ukuya bukabi ubukulumba ukukinda na bula bwa Igupti. Kristi āli yo Yūyo. Mulimōsa, akabalilo kāko abēne bikwīma panja pala nukuyoba, “Ena, Ugwe kuyoba Ugwe uli. . . Fiki, Ugwe ukakīnda ni fyinja malongo mahano mbukusi, kangi Ugwe kuyoba umbwēne Abraham?”

⁹⁵ Umwene alinkuti, “Bo Abraham akāli, UNE YONE.” UNE YONE yo Yūyo uyu ālyāgéne na Mōse mu Mbanda ya Moto mu lusīngi ulu lwākāga. Ena, nkulumba. Umwēne āli Kyāla atēndekīgwe mbili. Komma u mūndu gwākitatu; u Mūndu yulayula mbubomela-mbombo ubukīndāne. Komma abakyāla batatu; mbubombela-mbombo mutatu mwa Kyāla yumoywēne ntiga. Kotalusya.

⁹⁶ Umma ndaga, lilino, i Lisimbo. Akabalilo kōsa, akabalilo kāko Kyāla ikupa, Umwēne ikupa ikinunu ukukīnda fyōsa. Akabalilo kāko Kyāla ikupa injila ukuyēngeléla i kipānga Kyāke, Umwēne ikupa ikinunu ukukīnda fyōsa. Akabalilo kāko Umwēne ampéle Adamu na Eva, mu ngūnda gwa Edeni, iki Umwēne abapéle abēne lyāli Lisyu Lyāke. “Umwe syāla kunyuma ku Lisyu ili, kangi umwe muponesīgwe. Lōli linga ugwe kusōkápo ukufuma pa Lyēne, ilisiku līlyo umwe mukulya

ukufuma kula ilisiku lila umwe mukufwa.” Kyāla akāndulāmo siku injila Syāke. Kangi Sētāno akāndulāmo siku iyāke; mumo umwene alisīle mwa Adamu na Eva, umwene ikwīsa mu bēne umwisyugu. Fiki? Ukwisila mu kugela ukwinogona Ilyēne mōsa. “Lilino, ikyēne kyo kyamahala ukuti Kyāla akābagile mma. O, Kyala ayobile,” alinkuti Sētāno, “loli naloliloli u Kyāla umwīkēmo akabagila ukubomba iki.” Naloliloli Umwene ikubombaga, panongwa yakuti Umwene āyobīle isakubōmbāga!

⁹⁷ Kangi ikyo kyo iki abandu bikuti umwisyugu, “O, lilino gulila! Ugwe utikwītika mma lilino, linga une kubūka ku kipānga kangi une nguhōmba ikyakalōngo, kangi une ngubōmba *iki*, i *kīngi*, Kyāla isakumfumusyē une pāsī pala?” Pene pāpo u mūndu apāpīgwe kabubili, umwēne atisakupilikisya nukupilikisya i Kitāngalāla kya Kyāla! Muketile? Kukayapo ukwiyyaya! “Mulimōsa, unnyāmbala unkāngāle undondo, unkikūlu unkāngāle undondo, apa gulipo umōyo unnunu unkāngāle.” Injila yene abene babagile ukumpilikisya Kyala, ko kupāpīgwa kangi. Ifyo fyo fyosa. Une ndikupāsya bo bunini buki, bo bukāngāle buki, bo bukeke buki, iki abēne bābōmbīle, kali kalinga abēne bābūkīle ku kipānga, fyo fipānga-fipāgūke filinga abēne bafimenye, kyo kimanyisyo kinywamu nki abēne babagile ukwandīsya. Ugwe kufīmbilisīgwa ukupāpīgwa kabubili kisita ikyo ugwe ukuyapo nukuyapo pa lwālo, ukwānda itolo. Uko ko katikati kutalusya.

⁹⁸ Popāpo, ugwe uketile, ugwe kufūmbwa u Kalōngolēla. Umwēne isakukulōngōsya ugwe ku Bwānalōli, u Bwānalōli lyo Lisyu. Umwēne isakukulōngolēla ugwe. Kangi ikyēne kyo bwīla mo kiyīlīle. Kyāla atikufīmbilisīgwa ukwandulāmo nakimo siku, ’nongwa yakuti Umwēne yo nsitampaka kangi Umwēne amenye iki kyo kinunu ukukīnda. Umwēne yo njapo-palipōsa, Umwēne yo mmanyafyōsa, Umwēne yo—Umwēne yo kilikyōsa. Ikyēne kyo kitalusyē, Kyāla yo, popāpo Umwēne atikufīmbilisīgwa ukwānduka. Umma ndaga.

⁹⁹ Umwēne yo Nsisimikisi gwa njila Umwēne ikukulōngōsya ugwe. U Mbepo Mwīkēmo, u Kalōngolēla, yo Nsisimikisi gwa Lisyu lilalila ili Umwēne ikumanyīsya. Lilino, Luka ālōngosīgwe nu Kalōngolēla, ukuyoba, “Būka umwe nkīsu kyōsa, lūmbilīla i Nongwainunu kuli kipeligwa kilikyōsa. Uyu ikwītika kangi ikōsīgwa isakupokigwāga, umwēne uyu atikwitika isakutāgigwāga. Kangi ifimanyilo ifi fisakukongaga abene aba bikwītika; mu Ngamu Yangu abēne bisakusatsiyaga imisyētāno, aba bisakuyobaga ni njobelo imbya, ukupīmba imiyoka, ukunwa ifindu ifyakugoga, ukubika amaboko pa babine kangi abene bisakubumbulukaga.” Kangi i Bāngēli lyāyobile, “Abēne bābūkīle panja kulikōsa,” ukulōngosīgwa nu Kalōngolēla, umwe mumenye, “balinkulūmbilīla i Lisyu, ni fimanyilo fikukonga.” Ngimba ikyēne kyāli fiki? U Kalōngolēla ikusisimikisya Kila kyāli Bwānalōli!

¹⁰⁰ Lula lwāli lulagilo lwa Kyāla. Yila yāli yo njila icyēne kyabikigwe. Ulo lo lubātiko Lwāke; Umwēne akabagila ukwāndula ukufuma ku lwēne, panongwa yakuti Umwēne yo nsitampaka. Ameni. Umwene akabagila ukwāndúla ukufuma ku kyene; Umwēne yo Kyāla. Une mbagile ukwāndúla; une ndi mundu. Ugwe ubagile ukwāndúla; ugwe uli nnyāmbāla pamo nkīkúlu. Lōli Kyāla akabagila ukwāndula. Une ne gwambaka; une mbagile ukutēdeka ubusobi nukuyoba ifindu mbusóbi, twēsa ba uswe tubagile. Loli Kyala akabagila, nukuya Kyāla. Aminogono Gāke agakubwāndilo go mapelelesye. Injila iyi Kyala ikubombela pa buyo, iyo yo njila iyi Umwene aabagile ukubombela akabalilo kosa. Linga umwēne abilikigwe pa buyo ukupoka untulwanongwa, Umwēne ikumpoka umwēne pa lwālo lumolwēne. Akabalilo akāngi untulwanongwa ikwisa, Umwēne ikufimbilisigwa ukubōmbéla injila yilayila, pamo Umwēne ābōmbile mbusobi akabalilo kāko Umwēne ābōmbile akabalilo kakwānda. Ameni. Une nunganile Umwene. Une mmenye icyēne kyo Bwānalóli.

¹⁰¹ Une ndi fyinja malongo mahano na fitatu mbukusi, ndumbille i Nongwainunu apa ku fyinja malongo matatuna-fitatu na sinda gwa kyinja, une ngambonamo siku Ikyene ukutoligwa. Une nkibwēne Ikyēne kigeligwe kahano-na-kabili ukusyungutíla i kisu, mu luko lōsa lwa bwiputiputi na filifyōsa ifingi, pankyēni pa ba bīngi bo sinda gwa elifu-elifu pakabalilo kamokene, kangi nasiku Ikyēne kikatoligwāmo. Une ndikuyoba ukufuma mwa būku yumo, une nguyobela ukufuma mu fyakumbonekela fya nīmwēne, ukuti une mmenye ukuti Kyāla ikwīma kunyuma ku Lisyu Lyāke kangi ikuliyindika Ilyēne. Lilino, linga ugwe uli nu luko lumo ulwa kimanyisyo kya kipanga, ugwe kanunupo ukētésye ikyo. Lōli u Mbepo Mwikémo isakutula i Lisyu lya Kyala.

¹⁰² Mwa Mwikémo Yohani, untu gwa 1 kangi manandi 1, umwene atile Umwēne yo Lisyu, Umwene yo Kalōngoléla: “Pa bwandilo lyalipo i Lisyu, i Lisyu lyāli na Kyala, kangi i Lisyu lyāli yo Kyala. Kangi i Lisyu lyapeligwe ukuya mbili kangi nukwitugasya pakati pitu.” Mwe!

¹⁰³ Peteri ālongosigwe ukuyoba, pa Imbombo 2:38, akāmbililo ka Mbepo Mwikémo, umwēne alinkuti, “Pinduka, aligwēsa gwa umwe, polelo ōsigwāga mu Ngamu ya Yeso Kristi kubufyūle bwa mbībi syīnu, kangi polelo u Kalōngoléla isakubégāga umwe ukufuma pala ukubūka nkyēni.” Ena, ikyo kyo kindu ikyākubōmba. Ikyākwānda, pinduka ukufuma ku mbībi syīnu, ukusitakwītika kwīnu, ukuti umwe mwīlamwīle ifindu ifi. Pindúka, kangi polelo ōsigwāga, kangi polelo u Kalōngoléla isakubégāga umwe ukufuma pala ukubūka nkyēni. Muketile, iyo yo mbombo yīnu. Iyēne yo mbombo yīnu ukupindúka. Iyēne yo mbombo yīnu ukōsigwa. Polelo iyēne yo mbombo ya Kalōngoléla ukubéga umwe ukufuma pala ukubūka nkyēni,

ukubalōngósya umwe ukufuma ku kayīlo ukubuka ku bumanyi, ku bufisalyōyo, ku butengamoyo, ku bunyakyāla, kangī ku lugāno lwabakūndwe, kangī u Mbepo Mwīkēmo ikukufūnga ugwe. Muketile? Polelo ugwe gwe bupīme ubufwāne bwa Kyāla, unnyāmbāla gwanaloliloli gwa Kyāla, unkīkūlu gwanaloliloli gwa Kyāla, akimisīgwe ukufugatīlīgwa mwa Kristi. Une nkiganile ikyo, bala bakimisīgwe ukufugatīlīgwa mwa Kristi.

¹⁰⁴ Ena, Mariko ālōngosīgwe nu Mbepo Mwīkēmo, ukusimba Mariko 16, ena.

¹⁰⁵ Yohani ālōngosīgwe akabalilo kāko umwēne āsīmBILE Busetuli. Umwēne ālōngosīgwe na Kalōngolēla. Umwēne ālōngosīgwe na Kalōngolēla ukuyoba, “Yūyo isakwēga i Lisyu limolyēne ukufuma ku Lyēne, pamo ukōngelēlako ilisyu limolyēne ku Lyēne, kilakila kisakwēgīgwa, ikiyabo kyāke, ukufumu mwa Būku gwa Būmi.”

¹⁰⁶ Lilino, ngimba ugwe kusutisyāga bulebule ikindukimo ni Lisyu Iya Kyāla, kangī pōpe nukuyōba ugwe kulōngosīgwa na Mbepo Mwīkēmo? Kitikupilikisigwa mminogono, bule ikyēne? Umma, nkulumba. Ikyēne kitikupilikisīgwa.

¹⁰⁷ Umwēne ayīle Kalōngolēla gwāngu ukukīnda mbūmi. Umwēne andōngolīle une ku Būmi. Umwēne āli yo Yūyo uyu ālindongosīsye une ku Būmi, kangī Umwēne yo Būmi bwāngu. Kisita Umwēne une ngaya nabo u Būmi. Kisita Umwēne une ngulōnda nakimo ikīngi. Umwēne yo fyōsa u Fyosa-mu-Fyosa gwāngu. Mu sala sya lutamio lwāngu, Umwēne ikwīma kifuki na une. Mmayolo Umwēne ansayīle une, umwīsīyūgu abēne babōmbīle kilakila. Ngimba une mbagīle ukugūlīla fiki? Kilakila bwilanabwila, ntufye i Ngamu Yāke! Amenī. Ena, nkulumba. Umwēne āfingīle ikylene. Umwēne ikubōmbāga ikyēne. Umwēne yo Būmi bwāngu, Umwēne yo Gwāngu, Fyōsa-mu-Fyōsa. Une nunsūbile Umwēne. Une njile naga ingēlo ingafu. Une ngunsūbīla Umwēne kulikōsa kūko Une ngubūka. Une ngulōnda umwe ukubōmba ikyēne. Linga ugwe kubūka ukusūk’imyēnda, umwe bakīkūlu, nsūbīla Umwēne. Linga umwe mukubūka nkāya nkati, nsūbīla Umwēne.

¹⁰⁸ Une ndinako akabalilo kamokēne kūko une nālinogwīne ukuti une nāli luko lwa nnyāmbāla gwammatengēle unnunu, umwe mumenye, nafwīmīle fiyo. Une ndinkwīnogōna, “Une ne itolo nsitakusōba, nayumo isakuyaga uku. . . Ugwe ukābagīle ukunjōngēsya une. U māma gwāngu āli sinda gwa Kimwēnye, kangī une nākiganīle ikyo. O, mwe! Ugwe ukabagīla ukunjōngēsya mmatēngēle, une mmenye kūko une ndiko.”

¹⁰⁹ Kangī ukusōkāpo pa mwēsī-gwa-bwēhe bwāngu, une nasyōbilēpo panini pa nkasi gwāngu, une nālimbūlīle umwēne, “Ugwe umēnye, lūki, ikyēne kikuyaga kinunu kwa uswe ukwēgāna pa Okutobala pīsiku Iya malongo-mabili-na-masiku-

matatu.” Ena, ikyo kyo akabalilo kako u Ntwa ālimbūlile une ukubomba.

¹¹⁰ Kangi une ndinkwīnogóna, “Lilino, panongwa ya mwēsi-gwa-bwēhe ubunini, une nāpayīle akahela kāngu, kangi une nisakummwēgēla umwēne kula kifuki Nyibūko ya Niagara, nukubūka kula pa Adirondack nukubōmba ukufwīma panīni.” Muketile? Popāpo une ndinkummwēga umwēne na Billy, umwēne āli itolo kāndu kanīni kanāndi. Kāngi popāpo une nabagīle ukummwēgēla umwēne ku mwēsa-gwa-bwēhe, kangi ugwēne gwāli pa bulēndo bwa bufwīmi, bōpe, umwe mumenye. Popāpo—popāpo une ndinkwīnogóna kila kyābagīle ukuya kīndu kinunu ukubōmba. Kangi popāpo une ndinkummwēga umwēne kula, kangi i . . .

¹¹¹ Une nālinsīmbīle Tata. Denton, unkētēsya-finyamana. Kangi uswe twayaga pakubūka pamwanya pa Kyāmba kya Hurricane. Kangi une ndinkuyoba, “Tata. Denton, une ngwīsa, une ngulōnda ukufwīma ikīndīngō kimo na ugwe akabalilo ka kugwa-māni aka.”

¹¹² Kangi umwēne alinkuyoba, “Sili kanunu, Billy, isaga kuno.” Popāpo umwēne alinkuyoba, “Une nisakuyaga pamwanya ap pisiku *lyākuti-lyākuti*.” Mulimosa, unkasi na une twāfikīle kula nukulābīla nilisiku limolyēne, na Billy, kangi popāpo i kyūmba kyafūngīgwe. Kālipo akanini akakwīgemekēsya kunyuma pamwanya pa matēngēle.

¹¹³ Kūko, Nkundwe Fred Sothmann na une nābūkīle pakaya patali mma kāngi twālimīle pala. U Mbepo Mwīkēmo, une nālimbwēne Umwēne imile pala, u Bwēlu bwa yelo bula bukwēndendēka ukusyūngutīla kangi Fred imile palapala pala. Umwēne alinkuti, “Gwīse palubafu, une ngulōnda ukuyoba kwa ugwe. Kilābo,” alinkuti, “gwāndége, abēne batēndīke ikipīngo kuli ugwe.” Alinkuti, “Yage gwakutegelēla!” Ngimba ikyo kyākutalāgwe, Nkundwe Fred? Kangi une ndinkubūka nukubabūla abamia ba bāndu ikilo kila, ukukilania mu Vermont, une ndinkuyoba, “Kilipo ikipīngo kitēgīgwe kuli une; une nguyaga pakukibona ikyēne. Une ngamenye kūko ikyēne kilipo.” Kangi ikilo kilakila ikikōnge, pala ikyēne kilinkwīsa, pala ikyēne kyāli. Alinkuti, “Apa kyo kipīngo kila kitēgīgwe.” Ena, nkulumba. Lōli u Mbepo Mwīkēmo ālindōngwīsye une mu kyākubōmba. Kangi, o, ikyo kyāli itolo kitalusye! O, mwe bingi ba umwe mumenye iki ikyene kyāli. Une ngaya nako akabalilo ukuyoba ikyene.

¹¹⁴ Lōli imile pa pa buyo bula akabalilo kala, ikyēne kilinkwānda itolo ukwānduka ukuya kutalalifu ilisiku lila. Tata. Denton ayaga pakwīsa ilisiku ilikōnge, une ndinkuyoba, “Ugwe umenye, lūki, ikyēne kikuyaga kinunu linga une nayāgīle imbabala inyāmbāla i—i nywāmu ukwēgēla kukāya.” Une ndinkuti, “Uswe twābōmbīle . . . Une nāfimbilisigwāga ukuyūnga imb wagaya, kangi uswe twālyēgēne itolo.” Kangi

une ndinkuyoba, “Uswe tubagile ukuya ni nyama yītu iya mapepo linga une mbagile ukuya nu kufwīma kunīni umwīsyūgu.”

¹¹⁵ Kangi umwēne alinkuyoba, “Mulimo, kīndililāga, Billy.” Alinkuti, “Lilino, ugwe kumbukilāga, une ngayamo siku mmatēngéle gala,” umwēne alinkuyoba. Umwēne ali kifuki mamailosi malongo mabili na mahano pamwanya mu kyamba, umwe mumenye, kangi umwene alinkuti, “Une ngamanya nakimo isya iki.” Kangi umwene alinkuti, “Popapo une ne . . .”

¹¹⁶ Une ndinkuti, “Mulimōsa, lilino, ugwe kukumbukila ikyēne kyali fyinja fibili ifi fikindilepo une nagogile ifindingo fitatu fila. Kula kwali itolo kunyuma ukukilania pamwanya pa kyamba kubwa kula.” Kangi une nayobile, “Lilino, une ngwegaga imbabala inywamu innyambala kangi uswe tukukwegaga ikindingo kimo,” kangi une ndinkuti, “uswe tukuyaga ni nyama yitu iya nkipēpo mula.” Mulimosa, ikyo kikupilikigwa ukuya kinunu fiyo, umwe mumenye. (Kangi uswe tulinkupimba ilitunda, nukwega amakala gitu aga yila—aga mapēpo; kangi popapo Polelo Billy alinkulisya agene, kangi Meda n aune tulinkifipimba ifyene bo une nsokilepo ku kwendela kwangu.) Popapo polelo une—une ndinkuti, “Mulimosa, une nguyaga pakupimba indusu yangu, une nguyaga pakubuka ukusuluka apa.” Une ndinkuti, “Silimo imbabala nyīngi muno, une ngwisakwāgāga yimoyēne.” Une ndinkuti, “Ugwe umenye,” une ndinkuti, “polelo une ngumwegaga umwene.” Kangi une ndinkuti, “Uswe twisaku . . . Une ngugomokaga nkabalilo kanini.”

Umwene alinkuyoba, “Umma ndaga.”

¹¹⁷ Popapo, akabalilo kako une nalyandileko ukwena, ukwene kwali luko lwa kuya pasi. Kangi aligwesa gwa umwe bandu ba New Hampshire, kangi mmwanya mula mu New England, mumenye iki ikyene kikusanusya akabalilo kako ikifunienie kila kikwisa pasi, pamo paliposa apangi mfyamba, ugwe utikumanya kuko ugwe uliko. Ikyo kyo kyosa. Ugwe ukabagila ukuketa ikiboko kyako pankyeni pa ugwe. Popapo polelo une ndinkwanda ukukinda a—a kanini akakutumula, ukusuluka pasi, nukubuka ukukilania ulusinde nukwisa mmwanya. Kangi une naketesisye ilibole ilisita butononde, umwe mubagile ukulikolela ilyene nkuyabo iki kya kisu. Uswe tukulikolela ilyene, mu Bwingililo, i kugara. Abene bikulikolela ilyene, pamwanya pala, ingalamu yankyamba. Ikyene kyo kyosa kinyamana kilakila. Ikyene yo puma, naloliloli iki ikyene kili. U pusi yulayula, kifuki amafiti lwele na limo mbutali, ubusito kifuki mia yumo na malongo mahano, bamia babili amapaundi. Umwene akilenie unsebwe, kangi une ndinkusosya indusu nakalinga fiyo, ngali mwengo ukufwana ukuti nege ukutusulila ku mwene.

118 Mulimōsa, une ndinkuselemukila nkyēne ukufyūka pala pa kām̄ba, ngubopesya u kugara uyu, ngukētēsya amāni kūko umwēne ālyēndīle, umwe mumenye. Une nābagīle ukumbona umwēne. Umwēne āli na malūndi mana. Une nāmēnye umwēne akāli kinyamana kya malundi-mabili. Kangi une nāmēnye umwēne akāli mbabala, 'nongwa yakuti imbabala yikwīkanyānga. Kangi umwēne aselemukaga nubupepe nalōli, u pūsi, umwe mumenye, bo ulo. Kangi ikīndingo kikubūngulusya amalūndi gāke akabali kākō umwēne ikwēnda. Kangi popāpo une nāmēnye ikyēne ābagīle ukuya u kugara. Kangi umwēne āli kunyuma ku kisīnga kangi une ngālimbwēne umwēne, mpaka itolo nalinkētīle umwēne akabalilo kanandi, umwēne ākīndīle.

119 Kangi une nākētēsīsyē kūko umwēne āsuganiāga amāni, umwe mumenye, pamwanya pala pamwanya pa kyām̄ba, kangi pāsi bo ulu, kangi une ngākētēsyaāga ilibīngu līla likwīsa akabalilo kōsa, umwe mumenye, ukusuluka pāsi ikifūnienie. Kangi une ndinkuselemuka pāsi, ndinkubūka ukukīnda ikikōga ikikulumba nukubuka mu Giants, ngukōngēsya i kugara iyi. Une ndinkwīnogōna, “Une ngunkolāga umwēne pitasipo.” Une nābagīle ukukēta ubuyo, kangi une nābagīle ukubopa mmwanya pa buyo ubwapamwanya, kangi ukukelengania bo ulo, nukukēta ukusyūngutīla, ukukēta linga une nābagīle ukumbona umwēne; pilikīsyā naloli kifuki, kangi ngusuluka, nguselemukila pāsi kangi. Ugwe gwābagīle ukupilika utusīngi tukukonyoka, kubutali pankyēni pa une, bo kusōka pānja. Muketile, umwēne ātikāga imipiki akabalilo kala ukuti une ndingankōngāga umwēne. Muketile, umwēne alinkuya nkomu, ikubūka mmwanya mipiki kangi ukunyela ukufuma ku mpiki ukubūka ku mpiki. Polelo umwēne āmenye une ngabagīle ukunkōngēsya umwēne kula. O, une ndinkwinogona, “O, mulimosa!”

120 Kangi une ndinkwānda ukugomokela mmwanya mu kyām̄ba, kangi nānūngīsye i kīndīngo, ikīndīngo ikyaiyolo ikinyām̄bāla. Une ndinkwinogona, “Une ngumwēgāga umwēne lilino, ndumiana, ikyo kyo kinunu!” Une ndinkunūngīsya kangi, kangi une nābūkīle pabutalipo panini, kangi une nākētēsīsyē ku luko losa lwa fimanyilo na filifyosa. Une ndinkutoligwa ukukēta i kindi nakimo; ndinkusyūmbutūka ukugomokela pāsi, nukubūka ukugomokela pāsi ulubafu ulūngi lwa kyām̄ba. Kangi polelo une ndinkwānda ukukētēsya, kukwisa ukuya panini kwakifūnienie. Kangi une nanūngīsye kangi, umwēne āli mu mbelo pabuyo bumo. Une ndinkuti, “Umma. Lilino, kyo fiki fyābonīke, umbelo gwīsāga injila *iyi*, kangi une nisile. . . I kīndīngo kyānūngīle kikwīsa ukufuma apa pāsi injila *yila*, kangi une ngilēnie ukusyūngutīla lilino kangi umbelo gukwīsa ukufuma ku lubafu ulungi ulu. Popāpo une ngufimbilisīgwa ukugomokela kūko une nānūngīsye i kīndīngo, nukwēga ikyēne ukufuma kula.”

¹²¹ Kangi pa nsebwe gwānu ukugomokela, une ndinkuketa ukukilania ubusuluke, kangi une nasibwēne isingi sikusūgānika. Kangi akabalilo kāko une nābōmbile, ikindukimo ikitītu kinkwēnda. Une ndinkwīnogōna, “Pala umwēne alipo.” Une ndinkusopa ikipolopolo mula mu ndusu, nakalinga fiyo, nukwīma kimyemye. Kangi, akabalilo kāko une nābōmbile, iyēne yāli mbabala ingulumba inywāmu inyāmbāla, ingulumba inywāmu yimo. Une ndinkwīnogōna, “Iyo yo itolo iyi une nālōndāga, mulimosa.” Ndinkutūsulila imbabala inyāmbāla.

¹²² Une ndinkwinogona, “Ena!” Une ngaketisyepo ukwēne kwāli mu luko lwa... Akabalilo kāko une nālīntēndekīsyē umwēne, nākētīle... Une nāsukuswīle mmaboko gāngu nukutēndekesyā ummage gwāngu, ukugubīka ugwēne ukugomokesyā. Kangi une ndinkwīnogōna, “Ntufye u Kyāla! Ndaga Ugwe, Ntwa Yeso, Ugwe umbele une inyama yāngu ya mmapepo. Ulutufyo kwa Kyāla!” Kangi une ndinkwēga indusu yāngu. Une ndinkwīnogōna, “Une ngubūkāga itolo ukugomokela mmwanya ku busuluke apa lilino.” Une ndinkuti, “Kēta kuno, ndumiana, ifula yikwīsa. Une kinunupo nsōkēpo ukufuma apa nukugomokela kula kwa Meda na bēne.” Une ndinkuti, “Une njemwengo.”

¹²³ Mmwanya mbusuluke une ndinkubūka, ndikufula amabatani ga kijasi kyāngu ikinywamu ikikesefu, kangī une nābopelāga mmwanya mbusuluke bo *ulu*, ukusyūngutīla. Ikindu kyakwanda umwe mumenye, une ndinkwinogona, “Mwe, ngimba une nāsūmbutukīle poki?” Umbelo gwāfikīle pāsī, imipiki gikutikana palikimo. Une ndinkwīnogōna, “Ko kugu une nāsūmbutukīlepo?” Une ndinkubūka ukusyūngutīla. Une— une nāmēnye une nābūkāga kulakula ukutalula ku Kyāmba Hurricane. Lōli une nalyāgīgwe nīmīle, kangī une nāsōkāga amafuke, une ndinkwīnogōna, “Ngimba iki kitamīsyē apa kyo fiki? Une nsōkīlēpo sinda gwa sala, pamo aba sinda-sinda batatu, kangī une ngabagīla ukubwāga ubuyo apa une nāsūmbutwīke.” Une ndinkukēta mmwanya, kangī pala yapayikīgwe imbabala yāngu. Une nālī palapala pa buyo bulabula. Une ndinkwīnogōna, “Mulimōsa, ngimba une nābōmbīle fiki?”

¹²⁴ Ena, une ndinkusōkāpa kangī. Une ndinkwīnogōna, “Une ngwisakubōmbāga ikyēne akabalilo aka, une ngākētēsīsyē itolo mma.” Une ndinkukētēsya ubwēndelo bulibosa ubunini kulikōsa, ngukētēsya. Une ndinkūmilīsyā ukulōndēsya, ukulōndēsya, ukulōndēsya. Amabīngu gala gikwīsa, une mmenye umbelo gwa matalala guli pa nsebwe, ikifūnīenie kikwēléla pāsī, kangī une ndinkwānda ukukētēsya. Une ndinkwīnogōna, “Une ngubūkāga ukukīndīlīla panīni,” ndinkubūka nkyēni, nkyēni, nkyēni, nkyēni, nkyēni, nkyēni, nkyēni. Kangi une ndinkwīnogōna, “Mulimosa, iki kyo kihēsya, kikuboneka ngati une mbubwēnépo ubuyo ubu pitāsī.” Kangi

une ndinkukēta, kangi pala yāpayikígwe imbabala yāngu. Muketile?

125 Umwe mumenye iki une nālipo? Aba Mwēnye bikukibilikila ikyēne u “kwenda kwa bufwe.” Muketile, ugwe kwēnda mukusyūngutíla, ukusyūngutíla kangi ukusyūngutíla. Mulimōsa, une ndinkwīnogóna une nāli kalōngoléla nnunu fiyo ngābagíle ukuyōnga mma. Muketile, nakimo kyābagíle ukumbula une mmatēngéle ukuti injila yāngu yo yiliku. Muketile?

126 Kangi une ndinkwanda ukusumuka kangi. Une ndinkuti, “Une ngabagila ukubōmba ubusóbi ubu mma.” Kangi une ngwisa ukugómokéla kangi.

127 Une ndinkwēnda pamwanya pa bufyūke panini itolo, polelo ukwēne kwālyāndiléko ukupūta. O, mwe, amatalala palipōsa! Kifuki ukubūka ku ngīsi. Kangi une nāménye ukuti Meda abagíle ukufwa ikilo kila mmatēngéle, umwēne akāménye ukwīpakikisya mwēne. Kangi Billy āli itolo kifuki fyinja fina mbukusi, ifyinja fitatu mbukusi, itolo akandu akanini akanandi. Kangi une ndinkwīnogóna, “Ngimba abēne bikubōmbága fiki?” Mulimōsa, une ndinkusumuka mmwanya pa butali ubu kangi une ndinkutika u kōbyo yumo, une ndinkwīnogóna, “Une ndi mubugoloke kubuyobumo, kangi une ngutoligwa ukukēka nakimo, ukwēne ko kōsa kwakifūnienie.” Une nābūkága ukusyūngutíla lilino.

128 Bwīla, une angali niyāgíle ubuyo bumo nukwīma, linga une nāli nu mundu yumo na une. Une āngali nīmíle nukugūlila mpala umbelo gwāmalike, ilisiku limo pamo mabili, kangi nukusōka pānja. Ukutumula akayabo kangu ka mbabala... pamwanya pa nyuma yangu, nukwīngila mula, ukulya, kangi ukwībwa isya ikyēne. Lōli ugwe ukabagila ukubōmba ikyo, kangi unkasigo na mwāna balāmbaléle mula mmatēngéle, bikupyūtíwa. Muketile?

129 Popāpo une ndinkwanda ukwinogona, “Ngimba une mbagile ukubōmba fiki?” Polelo une ndinkukīndilila panini. Kangi une ndinkwīnogóna, “Lilino, gūlila. Akabalilo kāko une nākilénie pamwanya pa kikoga ikyākwānda kila, umbelo gwāli mu kisyo kyāngu, popāpo une nābagile ukuti nālísile injila iyi. Une ngufimbilísíwa ukwīsa injila iyi.” Kangi une nābētíle kubutali pāsi mu Giants, lōli une ngāménye kūko une nālíko. Une ndinkuti, “O!” Une ndinkwānda ukuya nu lutende. Kangi une ndinkwīnogóna, “Gūlila i miniti, Bill, ugwe ukayōnga mma,” ukugela ukwīsyóba nimwēne. Ugwe ukabagila ukukisýóba ikyēne. Umma, umma. Amabyebye ga nkati gala gikukubūla ugwe uli nsobi.

130 O, ugwe—ugwe kugela ukuyoba, “O, une mbokígwe, une ngubuka ku kipānga.” Komma ugwe ukupāsyā, ugwe gūlila mpaka ikitala kya bufwe kikwisa, kangi ugwe kwisakumanya

ikyēne kyo kikīndéne. Amabyebye gāko gikukubūla ugwe. Ikindukimo nkati mwa ugwe kikukubūla ugwe ugwe gwe nsobi. Muketile? Ugwe umenye linga ugwe gwābagile ukufwa ugwe ukabagila ukwāgāna na Kyāla umwīkēmo. Bo uswe tumbwēne Umwēne ikilo iki kyākīndāga, bōpe na Bāndūmi abikēmo bikufimbilisigwa ukukupilila ikisyo kyābo ukuti bīme pankyēni pa Umwēne. Ngimba ugwe kwisakwīmāga bulebule panja pa Lilopa Iya Yeso Kristi ukukupilila ugwe?

¹³¹ Une ndinkwīnogóna, “O, une ngufwānisiyāga ikyēne.” Une ndinkwāndako. Kangi une ndinkusyāgania une nūmilisiyāga ukupilika i Kindukimo. Polelo une ndinkuya nu lutēnde. Kangi une ndinkwīnogóna, “Lilino, linga une ngubōmba ikyo, une nguyaga pakubūka ntupatu.” Ikyo kyo bwīla iki u mūndu unjōnge ikubōmba, umwēne ikubalanila mmatēngēle. Polélo umwēne ikwēgāga indusu yāke, ukwītusulila mwēne; pamo ukugwa pa kibwīna nukukōnyōla ikilūndi kyāke, kangi pala umwēne ikulāmbalāla, umwēne ikufwāga pala. Popāpo une ndinkwīnogóna, “Ngimba une ngubōmbāga fiki?” Popāpo une ndinkwānda ukwēnda nkyēni.

¹³² Kangi une ndinkūmilisiya ukupilika i Kindukimo kikuyoba, “Une ne Butūli bulabula ubu bulipo nkabalilo ka lutamio.” Une ndinkūmilisiya itolo ukukindilila nkyēni.

¹³³ Une ndinkwīnogona, “Lilino, une nāmēnye une nāndiléko ukusōkāpo panini lilino, une ngupilika i Lisyu likuyoba kwa une.” Une ndinkūmilisiya ukubūka nkyēni. Une nābūkāga, “*whuu, whuu, whuu,*” ngukub’ulufi, umwe mumenye. Une ndinkwīnogóna, “Lilino, une ngayōnga mma. Ugwe umenye kūko ugwe uliko, ndumiana! Ngimba fitamisye fyo fiki na ugwe? Ugwe ukabagila ukuyōnga. Ugwe gwe—ugwe gwe mfwīmi nnunu fiyo, ugwe ukabagila ukuyōnga.” Ukwītufya-nīmwēne, umwe mumenye, ukwītēndēka nīmwēne ukwisiyōba nīmwēne ukukinda.

¹³⁴ Ugwe ukabagila ukusyōba ikyēne. Kubutali pāsi *apa* kalipo akasyungutilo akanini kakusyūmbutuka, kakuyoba, “Ndumiana, ugwe uyōngile kangi ugwe umēnye uyōngile. Muketile, ugwe uyōngile.”

¹³⁵ Une ndinkūmilisiya ukukindilila nkyēni. “O, une njōngile! Une nguyaga kanunu mōsa. Une nguyāgāga injila yāngu iya kusōkēla.” Ifindu filinkwānda ukuboneka fyakuswīgisiya, imibelo gikwīgāla. Amatalala gakwānda ukupululuka, amatalala ga tubwe amanini, uswe tukukibilikila ikyēne “ukufunyila pāsi.” Une ndinkwīnogóna, “Unkasi kangi u mwana! Une ngaya . . .” Une ndinkwīnogóna, “O, mwe!”

¹³⁶ Nukutalula une ndinkupilika Kila kāngi, kilinkuti, “Une ne Butūli bulabula ubuyepo nkabalilo ka lutamio.” Kangi une nāli ndumbilili gwa Nongwainunu akabalilo kala, ngulūmbulila papapa apa pa kipānga.

137 Popāpo une ndinkwīnogóna, “Mulimosa, ngimba une mbagile ukubōmba fiki?” Une ndinkwīma, ndinkukelengania kulikōsa, kangi pala kyālipo ikifūnienie pāsi lilino. Une . . . Ikyo kyaali ikyēne. Nakimo kyābagile ukubōmbigwāpo akabalilo kala. Une ndinkwinogona, “O, ngimba une mbagile ukubomba kiliku?” Une ndinkwīnogóna, “Nkulumba, une ngaya gwakufwāna ukuya mūmi, une mfumile pakuya nu lwīsūbilo-lwapanīmwe ne fiyo. Une nīnogonāga une nāli mfwīmi, lōli une ngaya mma.”

138 Kangi, nkundwe, une akabalilo kōsa nunsūbile Umwēne. Ukutusulila, une ndinafyo ifikūmbusyo pamwanya pala. Kangi u ndōbi, une ne yumo unsitakumanya, lōli une abakalilo kōsa nunsūbile Umwēne. Untusulila, une ne ntusulila unsitakumanya, lōli Umwēne yo ikundula une ukutēndēka ingumbusyo sya kīsu pa kyēne. Muketile? Ukutusulila imbabala, amayādi mahano na mabili, bamia lwēle. Ndinayo indusu pamwanya pala kula yāgogile malongo-matatu-na-fihano ifya finyamana kisita kupōndwa ukutusulila kumo ni yēne. Bala itolo ikyo kulikōsa, linga umwe mubagile. Muketile? Komma une, ikyēne yo Umwēne. Une nunsūbile Umwēne.

Kula une nāli, une ninogonaga, “Ngimba une mbagile ukubomba fiki? Ngimba une mbagile ukubomba fiki?”

139 Une ndinkūmilisya . . . Kila kikwisa kifukiko, kifukiko, “Une ne Butūli bulabula ubujepo nkabalilo ka lutamip, u Butūli bulabula ubujepo.”

140 Une ndinkwinogona, “Uyo yo Kyala ikuyoba kwa une?” Une ndikufūla ikitili kyāngu. Une nāli ni kitili kya bukētési, akafunga akakesefu kaniembeteligwe ukusyūngutula ikyēne. Une ndinkukilāmbalika ikyēne pāsi. Ndinkufūla ikijāsi kyāngu, ikyēne kyābūdēle. Kangi une ndinkulāmbalika ikijāsi kyāngu pāsi, ukwīkasya indusu yāngu ukuyīmika ukwēgamisya pa lubafu lwa kipiki. Une ndinkuti, “Tāta Gwakumwanya, lilino une ngufikāpo ukukīndapo ukuya nīmwe ne, une ngupilika i Lisyu likuyoba kwa une. Ngimba ikyo yo Ugwe?” Une ndinkuti, “Ntwa, une nguyaga pakwitikisya kwa Ugwe ukuti une ngaya mfwīmi mma. Une ngaya, une—une ngutoligwa ukuyāga injila yāngu ukusyūngutula. Ugwe kufimbilisigwa ukundūla une. Une ngaya mfwāne ukuya mūmi, kangi ukubōmba ifindu ifi une mbōmbile, ukwīsa muno nukwīnogóna ukuti une nāménye fīngi fiyo isya ikyēne ukuti ngabagilamo siku ukuyōnga. Une mfumbilwe Ugwe, Ntwa. Unkasi gwāngu yo nkīkūlu ununu. U mwāna gwāngu, u ndumiana gwāngu unnini, unna gwāke atalwile, kangi umwēne ikugēla ukuya māma ku mwēne, kangi une nēgēne itolo nu mwēne. Kangi apa umwēne alipo, u mwānike, mula mmatēngēle, abēbe bosa-babili bikufwāga ikilo iki. Umbelo gula, ugwēne gwisakusyūmbutukāga pāsi kifuke kalongo kūsi kwa nakimo, kangi abēne batisakumanyāga akayila mūmi. Abēne bikufwāga ikilo iki. Komma ukubaleka

abène bafwége, Kyāla. Nyègèla une ku bène, ukuti une mbāgile ukukètésya ukuti abène batikufwa mma. Une njōngènie! Une njōngènie, Kyāla! Une—une ngabagile ukuyāga injila yāngu ukusyūngutila. Ngimba Ugwe utisakundúla une mbelile? Kangi nhobokelāga une panongwa ya njila ya kwītufya-kwanīmwené kwāngu! Une ngabagila ukubōmba nakimo kisita Ugwe, Ugwe gwe Kalōngoléla gwāngu. Ugwe ndula une, Ntwa.”

¹⁴¹ Une ndinkusumuka, kangi une ndinkuti, “Ameni.” Ndinkupimba ikifūnga; ikijāsi kyāngu, ndinkupimba ikyēne mmwanya; ukufwāla ikitili kyāngu kangi; ndinkupimba indusu yāngu. Une ndinkuti, “Lilino une nisakwītēndekesyāga nīmwené mu njila innunu ukukīnda isi une nsiménya akabūkilo, kulakula ukununu ukukīnda kwa kupilikisya kwāngu; kangi une nisakubūkāga ukutalula injila yimoyēne, ’nongwa yakuti une ngwēne ukusyūngutila mbusyūngutilo kubuyobumo, une ngamanyakugu. Loli une ngubukaga injila iyi Ugwe kumbūla une, Ntwa Kyala, Kalōngoléla gwāngu.”

¹⁴² Une ndinkwānda ukwēnda injila *iyi*. Une ndinkuti, “Iyi yo yēne, kangi une nifimbilisyége ukwitēndéka nīmwené ukwitika ikyēne. Une ngubūka injila *iyi*. Une ngubūkāga nukutalula injila *iyi*. Une ndisakwandulāpo, une ngubūka injila *iyi*. Une mmenye une ndintalusye. Une ngubūkāga injila *iyi*.” Linga une nābūkile injila yila, une āngali nīngilile kula ku Canada. Muketile?

¹⁴³ Itolo akabalilo kala une ndinkwīpilika i Kindukimo kikumbalamasya une ma kibega kyāngu, i kiboko, ikyēne kyāpilikigwāga ngati kiboko kya mūndu, popāpo, nakalinga une ndinkusyūmbutūka ukuti ngēte. Akālipo nayumo ālimile pala. Une ndinkwīnogóna, “Ngimba kila kyāli fiki?” Apa lilipo i Bāngéli lilāmbaléle pankyēni pa une. Kyāla, Kalōngoléla gwāngu kangi u Ndongi, yo imile apa. Une ndinkukēta itolo mmwanya. Kangi kulakula ukugomokela injila *iyi*, ikifūnienie kila kyalyēlwike itolo kangi mpaka une nābagile ukukēta ikisōnge pamwanya pa Kyāmba Hurricane. Ngubuka itolo ukutalula ukusōkako ku kyēne, ikikununu ukukīnda ikya bugele bwa bufwīmi bwāngu, une nāsōka ngako ku kyēne, kwisa ukuya kukwīla namayolo akabalilo kala. Une ndinkusyūmbutūka nakalinga fiyo, ukwitalusya nīmwené bo *ulu*. Une ndikukola ikitili kyāngu nukufyūsya ifiboko fyāngu mmwanya, une ndinkuti, “Ndongolelāla une kula, Kyāla, Ugwe gwe Kalōngoléla gwāngu.”

¹⁴⁴ Une ndinkwāndako. Une nafimbilisiḡwāga ukubūka itolo ukutalula mmwanya mbusyobi na filifyōsa ukufika kula, kwīlile kangi kwīlile. Polelo ukwēne kuli nkuya ngīsi. Imbabala silinkunyēla nkyēni myāngu, na filifyōsa. Une ndikutoligwa ukwīnogóna isya nakimo lōli ukwīkyūnga nīmwené mu njila yimoyēne, ukutalula pamwanya pa kyāmba iki.

¹⁴⁵ Kangi une mmenye linga une nābagile ukufika ku kisōnge, Tāta. Denton na une. . . Une nātūlile ukubika ulugoye pamwanya

pa nkabalilo ka maluba. Uswe twāpinyile ulusāmbō lwa telefoni ukufuma ku Kyāmba Hurrican, injila yōsa ukusuluka kifuki mamailosi matatu na sinda pamo mana, pmpaka pāsi ku kitēmbē. Kangi ulwēne lwābūkile mpaka pāsi akayila akanini, lōli, amatalala pamwanya pala, ugwe ukābagile ukukīndanisya injila. Muketile? Kangi u mbelo gukupūta na filifyōsa, ukwēne kwāli ngīsi kangi amapepo kangi, ukubūka, ugwe ukābagila ukukīndanisya kūko ugwe gwāliko. Mulimōsa, ikindi kyēne iki une nāmēnye ukubōmba, bo ukwēne kuli ngīsi, kangi une ngāmēnye. . . Une mmenye une nābūkāga injila yimoyēne, kangi kulakula kumwanya kwa kyāmba. Nongwa yakuti une nābagisenie ukubūka pamwanya pa kyāmba, kangi ikisōnge kyālitūgēsye palapala pamwanya pa kyāmba, kangi une nāsyēle kifuki na mamailosi mahano na limo ukufika ku kyēne. Itolo inogona, ikifūnienie kikweluka kangi, amamailosi mahano na limo, itolo ikibwīna kimokyēne, mpaka une nābagile ukukēta ikyēne!

¹⁴⁶ Kangi polelo une—une nāpīmbīle indusu yāngu nkiboko *iki*, nukukoleléla ikiboko *iki* mmwanya, 'nongwa yakuti une nāpayīke u—u lusāmbō pa mipiki bo lula ukubūka pāsi, isambo sya telefoni ku katēmbē, popāpo umwēne ābagile ukuyoba ku nkasi gwāke, nukubilikila panja ukufuma kula, ukufuma ku kyāmba. Kangi une nayaga pakuntula umwēne ukulutwāla ulwēne pāsi akabalilo ka kugwa māni kala. Kangi une nāli ni kiboko kyāngi mmwanya bo *ulu*, nguyoba, “O, Kyāla, unko une mpalamasye ulusāmbō lula.” Ukwēnda, ulukōngi lwāngu lwāyaga mbubabe fiyo, lukatēle, une nātologwāga nubukafu ukukola ulwēne, kangi une nāfimbilisigwāga ukululeka ulwēne pāsi. Kangi une nasyumbutusyāga indusu nukubika iyēne *mu* ikyo; ukukatila kunyuma amakato mabili ukuti nje nsisimikisye ndingalupōndwāga ulwēne, polelo ukufyūsa ikiboko kyāngu mmwanya, ukwānda ukwēnda, ukwēnda. Kukuya kwīlīle, kwa ngīsi, umbelo gukupūta. O, une nakamandaga ubukolelelo bwa lusāmba, une nāyobāga, “Ikyo kyo ikyēne! Umma, nkulumba kyo kika kīkyo mma.” O, ikyēne kikupa. . . Komma ukukileka ikyēne kipégwe akōgo akasitakusisimikisgwa.

¹⁴⁷ Bo kakīndilepo akabalilo, akabalilo kāko une itolo kifuki ukwitēdekēsya ukufuluka, ikiboko kyāngu kilinkutika ikindukimo. O, mwe! Une nālyāgīgwe, akabalilo kāko une nayōngile. Une nakolelile ku lusāmbō lula. Une ndinkugwīsa indusu palapala pāsi, ndinkufūla ikitili ukufuma ku ntu gwāngu, kangi une nālīmīle pala. Une ndinkuti, “O Kyāla, ko kwīpilika nki ukwēne ko kuya mwāgīgwe, akabalilo kāko ugwe uyōngile.” Une ndinkuti, “Palapala pāsi ku bumalikisyo bwa lusāmbō ulu, une ndisakwābulamo siku ulwēne. Une nisakukolelāga ku lusambo ulu. Ulwēne lwisakundongolelāga une kulakula ukutalula kūko fyōsa pa kīsu iki ifi fyo fipala kwa une filāmbalēle, kulakula pāsi pala. Unkasi gwāngu nu mwāna, nubōga, kisita kumanya kūko une ndiko, kisita kumanya

akakokesyo ka moto, kisita kumanya ikyakubōmba, kang'i imibelo gikupūta, kang'i isāmba sikugwa kang'i ukugwa mōsa ukwa mipiki." Une ngabagile ukusulwa ukulekesya ulusambo lula. Une ndinkukolelela mpaka ulwēne lwalindongolile une mulamula mūmo fyosa ifi fyāli fipala kwa une pa kīsu fyāli kwa une.

¹⁴⁸ Kila kyāli kyakumbonekela ikinyali, kang'i ikyakumbonekela ikikulumba ukuyāga injila yangu iyakusōkēla panja, lōli kila kikāli sinda gwa kyēne. Ilisiku limo une nāyōngile mbutulwanongwa. Une nābūkile ku kipānga ukufuma ku kipānga, ukugela ukukyāga i Kindukimo. Une nābūkile ku ba Seventh-day Adventist, abēne bālimbūlile une, "Kyūngāga u Sabata, lekāga ukulya inyama." Une nābukile kula ku kipanga kya Baptisti, ikipānga kyākwanda kya Baptisti, umwēne alinkuti, "Itolo sumuka kang'i babūle abēne ukuti ugwe kwitika Yeso Kriti u Mwanundumiana gwa Kyāla, kang'i une ngukōsyāga ugwe, ikyo kyo kyēne." Kikālipo nakimo. Lōli ilisiku limo, panja pa kasasa kanini ka makala, une nāfūsīse ifiboko fyāngu mmwanya, une ndinkukola i Kindukimo; pamo, ndiyoba une, i Kindukimo kyālingolile une. Ulwēne lwāli Lugoyelwabūmi, u Kalōngolēla. Kang'i Umwēne andongolile une nubuponesyo mpaka na lino, une ndisakusōsyāpo ikiboko kyāngu ukufuma pa Lusambo lula. Une ngukolelēla ifiboko fyāngu ku Mwēne. Fileka ifimanyisyo, ifipānga-fipāgūke fili bōmba filifyosa ifyēne fikulōnda, une ngolelile kula kwa Kalōngolēla. Kabuno fyosa ifi fyālimo siku pa kīsu kang'i fyosa ifi fili ku Mwānya, siku fikusanususya fipala kwa une, fili kubumalikisyo bwa Lugoye ulu. Umwēne andwele une nubuponesyo mpaka na lino, une nisakunsūbila Umwēne injila yōsa iyi yisyēle. "Akabalilo kako Umwene u Mbepo Mwikemo ikwisa, Umwene ikubalongolelāga umwe nukubalōngosya umwe mu bōsa . . ."

¹⁴⁹ Bīnangu, Ikyēne kindwēle une kūko une ndiko umwīsyūgu. Ikyēne kindēndike une iki une yone. Une mbagile nubuhobofu ukukitwāla Ikyēne kwa umwe. Ikyēne kyo yo mwēne Kalōngolēla uyu une mmenye kalikōsa akafwane, kabuno apa pa kīsu pamo kumwanya Kula. Umwēne yo Kalōngolēla gwāngu akabalilo kāko une ngubūka kukufwīma. Umwēne yo Kalōngolēla gwāngu akabalilo kāko une ndubūku kukulob'iswi. Umwēne yo Kalōngolēla gwāngu akabalilo kāko une nguyoba ku mūnduyumo. Umwēne yo Kalōngolēla gwāngu akabalilo kāko une ngulūmbilīla. Umwēne yo Kalōngolēla gwāngu akabalilo kāko une ngugon'utulo.

¹⁵⁰ Kang'i akabalilo kāko une ngwisa kukufwa, Umwēne isakwīmāga ku kisōko. Umwēne isakundongolēla une ukukilania injila. "Une ndisakutīlāga nakabibi nakamo, kabuno Ugwe uli na une. Ingili Yāko kang'i inso Yāko, ifyēne fikumfūnda une kang'i fikundongolēla une ukukilania ikisōko."

Unko uswe twipute.

¹⁵¹ Tāta Gwākumwanya, une ndigwākupālisya fiyo panongwa ya Kalōngoléla, Yūyo Yūla ikindongósyā une. O, utubalilo tumo, Tāta, une ngabagīla ukumpilika Umwēne ukusyūngutīla une, une nguya gwālūtēnde. Une ngundōnda Umwēne kifuki kwa une panongwa yakuti une ngamanya ukuti kokabalilo kaki nguyaga pakubopela kula pa kisoko. Une ngulonda Umwēne ukuya kifuki na une. Kommamo siku ukundeka une, gwe Ntwa. Une ngabagīla ukuyoba, une ngabagīla ukulūmbilīla, une ngabagīla ukufwīma mmatēngéle, une ngabagīla ukuloba iswi pa kiloboko, une ngabagīla ukwēndésya iligali lyāngu, kikayapo nakimo une mbagile ukubōmba kisita Ugwe. Ugwe gwe Kalōngolélo. Ne nhoboکه bulebule une ndi ukuyoba ku kilundilo iki, mūmu fikuti Ugwe undongolīle une mu findu fyōsa ifi, mūmo fikuti Ugwe undwēle une!

¹⁵² Une ninogonāga ilisiku ilingi; kisita kukīnda ifyīnja ifinini ifi fikīndilépo, nimile pāsi apa pa lukīndi, kangi panongwa yakuti ikikolo kyāngu kyābōmbīle ubusóbi, nayumo abagile ukuyoba kwa une. Une nāli panīmwēne ngulōnda ubwināke. Nayumo ālōndāga kalikōsa akakubōmba na une. Abēne bāyobāga, “U gwīse yo kinwelwa.” Kangi, Ntwa, āketile nayumo āyobāga kwa une. Kangi une mbaganile abāndu. Loli ilisiku limo akabalilo kako une nākōlīle u Lugoye lula! Lilino une ngwīnogóna, Ntwa, une ngufīmbilisigwāga ukuselumuka nukusōkāpo ukubūka mu lulangalanga ukuti ngatūsyē panini. Ndimba kyabōmbīle kyo fiki? Komma ubūndu, komma ubumanyi; une ngaya nabo nabumo. Lōli ikyēne āli Ugwe, Ntwa. Ugwe, Ntwa. Ugwe gwe unyītikīsyē ukuya ni nyāngo pa kyakutusulīgwa, Ugwe unyītikīsyē ukukola iswi inywāmu, panongwa yakuti Ugwe umenye une nalōndaga ukubōmba ikyēne. Ugwe umbele une abātāta na bāmāma. Ugwe umbele une abakūndwe na bākālūmbu. Ugwe umbele une ubukafu. Ugwe umbele une unkasi. Ugwe umbele une ikikolo. Ugwe gwe Kalōngoléla gwāngu, Ntwa. Unko un ngukole ikiboko Kyāko, komma nasiku ukundekešya une. Linga ikiboko kimo kikukatala, une ngusanusyāga itolo ifiboko. Ndula une, Ntwa.

¹⁵³ Kangi lilino aligwēsa nkati muno alikolāga ikya lula u Lugoyelwabūmi, Ntwa, u Mbepo Mwikemo uyu yo Bumi bwitu, Umpabumi kifumileko. Kangi Ulwēne lulitulōngolelāga uswe twēsa ku Kīsu ikisangulufu kīla kwīsīlyā, kūko ukusukulika kwa bōmi kumalike kangi imbombo yītu pa kīsu yibōmbīgwe, kangi polelo patisakuyako nubukāngāle kangi mma, nabamo abāndu abōnywa, nasimo ikilo ingatale kangi mma, nasimo ingūto nu kwīpūta kangi mma, nasimo imbilikilo ku kigemo kangi mma, lōli uswe twisakuya bakeke kula kwabwilanabwila, ububine nu busulumanie busakuyaga nabumo kangi mma. Butisakuyako kangi mma ubutulwanongwa, kangi uswe twisakwitūgāsya mu bugolofu bwa Kyāla ukukīnda mu ngulilo isi sikwīsāga, ukukīnda Syepwa unsitakumalika. Pāga ikyēne, Tāta.

¹⁵⁴ Kangi lilino, Tāta, linga alipo aligwesa nkati muno ikilo iki uyu nasiku akakolelelamo ikya lula u Lugoyelwabūmi, abēne balilwāgāga Ulwēne lululu lilino. Kangi u Mbepo Mwikémo Yūyo āndōngolīle une ali. . . Kangi une mbagile ukuyoba ukufuma mu ndumbula yangu, ni kiboko kyangu pa Lisyu Lyako, Umwene kabalilo kalikosa āli nталusyи. Une ndi nsobi utubalilo twīngi. Lōli Umwēne yo nталusi. Unko Umwēne asyāle na une, Ntwa. Unko une nsyāle na Mwēne. Kangi tukulāmba abāngi muno, aba bakakumanya Ugwe ikilo iki, abēne bali kolelelāga ifya kiboko Kyāko ikisitakwānduka, ukuti abēne babagile ukulōngolelīgwa pāsи.

¹⁵⁵ Kangi ilisiku limo uswe tukusōka pānja ku kisoko. Ukwēne kukubūkāga ukuya kwakifūnienie ulubunju lula, kōpe. Inyānja yayiolo yisakubūnāga, u Yorodani gwaiyolo, amyiga gikutika, ubufwe bukupīta ubūmi ukufuma kwa uswe. Lōli, Kyāla, une—une ndisakutīlāga mma. Une nahōmbīle ikyēne iyolo fiyo. Une itolo ngulōnda ukufūla ikitili kya busikali, ukuya gwabwīte, ukusyūmbutuka, ukukēta kunyuma pāsи ku kayila ukukēta kūko u Lugoye lula lundōngolīle une. Ukukēta amatēngēle gōsa aga une ngīndilēmo, kangi isingi sya mifwa giligyosa, kangi ifibugutila fya mabwe filifyosa ifi une nikuyubwilēpo, lōli ngolelīle u Lusāmbō. Bo Ugwe gwāyobīle, umwātи ābōmbīle:

Bamo ukukīndamo mmīsи, kangi bamo
ukukīndamo myelesyo,
Bamo ukukīndamo mu ngelo insolofu, lōli bōsa
ukukīndamo mu Lilopa.

Kangi une ngulōnda ukwēga *Ulu*, u Lubo ulwaiyolo apa, ulu lumbonīsye une mōsa mu nsebwe, nukulubīka Ulwēne ukugomokesya mu nyāmbi Yāke, ukukūta pānja, “Tāta, tuma ukukilania ubwāto ulubunju ulu, une ngwīsa ku Kāya.” Ugwe kwisakuyaga kula, Ntwa. Ugwe gwāfīngīle ikyēne. Ugwe ukabagīla ukutoligwa.

¹⁵⁶ Sayaga aligwēsa uyu ali apa lilino. Kangi linga abēne bakamanya akakolelele ka Lugoye ulu, kangi bakapalamasyāmo siku Ulwēne, amaboko amīkēmo galifyūka mmwanya lilino, amaboko aga gikulōnda, amaboko aga gikunyonwa, kangi palamasya u Lugoyelwabūmi ulu lwisakubalōngolēla abēne ku kinyonywo kya ndumbula syābo, lutēngāno lupelelesye kangi ubwīkute, ubutūsyo mwa Kristi.

¹⁵⁷ Ni mitu gītu gīnamisigwe, ngimba gabagile ukuyapo amaboko gikufyūkāga mmwanya nukuyoba, “Unko une. Ngolelela ikiboko kyāngu?” O, Kyāla akusaye ugwe.

Akabalilo kāko injila yikuya ndīlīsye, mpala
Ntwa, yaga kifuki,
Akabalilo kako ubumi bwangu buli kifuki
ukukīnda;

Ku kisōko une ngwisa kwīma,
Lōngoléla injayo syāngu, ngola ikiboko
kyāngu,
Ega ikiboko kyangu, mpala Ntwa, mpala,
ndongolela une nkyeni.

158 Ngimba pabagile ukuyapo uyūngi ukufyūsyā mmwanya ikiboko kyābo, yoba, “Ntwa, une ngulōnda ukwipilika ubupalamasye bwa Lugoyelwabūmi ikilo iki. Une ngulōnda ukwipilika Kristi anhobokile une imbibi syāngu, kangi une ngulōnda ukuya kipelígwa ikipyā ukufuma ku sala iyi ikubūka nkyēni?” Kyāla akusaye ugwe. Ngimba pabagile ukuyapo uyūngi ikuyoba, “Unko une ngupalamasye Ugwe, Ntwa. Unko une nitāge nīmweṅe?” Kyāla akusaye ugwe, kalumbu. “Unko une nītage nīmweṅe, nukukyāga ikyēne, Ntwa, mwa Ugwe.” Kyāla akusaye ugwe. Kangi Kyāla akusaye ugwe. Uko ko kutalusya. “Unko une nītage nīmweṅe, Ntwa. Unko une nībwe.” Kyāla akusaye ugwe, nkundwe. “Unko une. . .” Kyāla akusaye ugwe, kalumbu. “Unko une itolo ndāge ubumanyi bwāngu bōsa.” Kyāla akusaye ugwe, kalumbu. Komma ukusūbīla mu imbātiko indēdekigwe nu mūndu. Kōnga u Kalōngoléla, Umwēne isakukulōngosya ugwe mu Bwānalōli bōsa. “Ndōngōsya une, Ntwa Yeso, ndōngōsya une.” Kyāla akusaye ugwe kunyuma uko. O, galipo amaboko mīngi gali mmwanya, bikulōnda ubupoki. Lilino bo uswe tuli. . .

159 Ikigēmo apa, ugwe ukubagila ukukōléla ikigēmo, panongwa yakuti abāndu bitūgēsye palipōsa. Lōli Umwēne ali papapa apa. Ugwe umenye kinunu kangi kanunu, akabalililo kāko ugwe gwāfyūsīsye ikiboko kyāko, ikindukimo kyābonike mu ndūmbūla yāko. Yeso aatile, “Umwene uyu ikupilika a Masyu Gangu kangi nukūnyitika Une, ali nu Bumi bwabwīlanabwīla.” Ugwe kusanusya ikyēne? Polelo kilipo ikitubwi apa kīswīle na mīsi. Kwisakuyapo akabalilo kīngi ka lōsyo. Unko uswe twīpūte.

160 Gwītu Tāta Gwakumwanya, i Ndumi innin iyi ingonyokekonyoke ikilo iki ukwisila mu lisyu ilyāle, u Mbepo Mwīkēmo abagile ukuti ābūkile panja ku buyobumo. Ikyēne kyābūkile kūko Ikyēne kyabalōndigwāga, kangi balipo bīngi, Ntwa, ikilo iki, kifuki kalongo na bahano pamo malongo mabili aba bāfyūsīsye ifiboko fyābo mmwanya, ukuti abēne bikifūmbwa u Kalōngoléla. Abēne bikusyāgānia ukuti abēne bikugela ukwisyōba bēne. Abēne bikugela ukuyoba, “Une ndikanunu,” lōli kubutali pāsi mbusolofu abēne bamenye ukuti abēne bakaya mma. Kangi abēne nikulōndo ukupalamasya Ugwe, Ntwa. Abēne bikulōnda u Kalōngoléla. Abēne bikulōnda ukwingilāmo. Ugwe ukisusigwāmo siku. Abēne bikulōnda ukwingilāmo mu bwēndelo ubu. Abēne bakamanya akabūkilo kula. Nayumo uyu amēnye akegelo ka bēne kula; Ugwe gwe Yuwe gwīmwenē. Abēne bikwīsa kwa Kalōngoléla umpīgwe na Kyāla, u Mbepo Mwīkēmo. Abēne bafyūsīsye ifiboko fyābo.

¹⁶¹ O Mbepo Mwikémo kangî Kalôngoléla, sulukaga pâsi pa bêne. Swaga ubutulwanongwa bulibôsa. Hobokelaga ingilanio syâbo. Bêgêla abêne mu Mbili gwa Kristi ikilo iki, kûko abêne babagile ukwipilika ulusoko lwa Kyâla lukwëndelêla ukukînda u Lugoye lula lula lwisakubolôngolelâga abêne ukusuluka ku Yorodani, kangî ukukilania Yorodani ku Kîsu ikifîngîgwe. Abêne balikôngesyâga ukutalula kunyuma ku Lisyu. I Lisyu lyâyobile, “Pîndûka, kangî ôsigwâga mu Ngamu ya Yeso Kristi.” Abêne balinga gelâga ikyêne mu njila iyingi yimo. Abêne balikôngesyâga kulakula kunyuma kwa Lisyu, kabuno Umwêne yo Yûyo uyu isakulôngolelâga. Ikyo kyo i—ikyô kyo makato aga kufyûkila pamwanya mpaka uswe tubagile ukukola ikya Kalôngoléla. Pâga ikyêne, Ntwa. Abêne baliyaga Bâko. Abêne bali mmaboko Gâko lilino, ukuya fyabuponjoli, nayumo umûndu abagile ukubanyaka abêne. Une ngwîtika ukuti Ugwe kwisakubêgâga abêne, ukuya bându abapokîgwe. Une ngwîtika abêne bafyûsisye ifiboko fyâbo mmwanya, abêne bakâbagile ukubômba ikyo pa bêne pene pâpo i Kindukimo kyâyobile ku bêne. Uyo âli Ugwe, Mbepo Mwikémo kangî Kalôngoléla.

¹⁶² Abêne bikukêta isala yikwîgala, ikifûnienie kikwîsa pamwanya pa kîsu, ifimanyisyo ifikulumba kangî—kangî ifindu fikubûngânia palikimo, ifipânga fikwiyôngânia, ukwîsa palikimo. Kangî, O Kyâla, mûmo abêne bikugela ukuyoba, “Bôsa aba bali natô utwakukîndâna bisakufîmbilisîgwa ukusôkâpo apa nukubûka ku Alaska.” Kangî fyosa ifindu ifi fifyo abêne bikugela ukutîlisya, ikyêne kikaya kipya kwa uswe, u Kalôngoléla unkulumba atunângîsye uswe ikyo nkayila ka Lisyu. Uswe tukukîlania itolo ukukînda ikiyabo kila kya Ilyêne.

¹⁶³ Tâta Kyâla, Ugwe gwâyobile ku bêne ikilo iki, kangî une ngubapa abêne kwa Ugwe lilino ukuya fyabuponjoli bwa Lisyu. Mu Ngamu ya Yeso.

¹⁶⁴ Lilino, filambalêle pa kagemo apa, Tâta, fyo fifûnga, ifyêne fyo fya bându babine, umwana unnini yumo, lumo, u mâma yumo, u kalûmbu yumo, nkundwe yumo; tope utupinyilo nywili utunini tupinyilîgwe mu fyêne. Kangî lilino une ndukolelêla ifyêne kuno kifuki kwa une. Lilino, uswe tumanyisîgwe mu li Bângéli ukuti abêne balyêgile ukufuma mu mbili gwa Pauli ififûnga na ba epuroni, kangî abându ababine balinkubûmbulusîgwa, imbepo inyali silinkusôkâmo mbându. Lilino uswe tukusyagania, Gwentwa, ukuti Pauli âli nnyambala, umwene âli itolo nnyambala. Lôli ikyêne kyâli bupake bwa Mbepo Mwikémo ubu bwâli pa umwêne ubu bwâsayile ififûnga, kangî u lwîtiko ulu abându bâli nalo ukuti umwêne âli ntumigwa Gwâko. Lilino Pauli asôsigwêpo ukufuma pa uswe, lôli komma u Kalôngoléla, Umwêne yo akâli ali apa. Kangî, Kyala, une ngusuma ukuti Ugwe kusayaga ififûnga ifi, kangî u Kalôngoléla alibalôngosyâga abêne ku buyo, aba bikwiyipa lôsa.

165 Uswe tubūligwe kangi ukuti akabalilo kâko Israeli âkōngesyâga u Kalōngoléla gwâbo, kangi abêne bikwisa ukusuluka itolo kwa Yorodani, kulakula ukusuluka (ndigi) ku Nyanja Ingeseфу. Mulamula mu lukindi lwa mbombo abêne bālīmīkīgwe, kangi u Kalōngoléla abalōngwisye abêne pāsi kula. Fiki? Ukunāngīsyā ulwīmīko Lwāke. Kangi akabalilo kâko isūbīlo syōsa sikīndīle, polelo Kyāla âkētīle pāsi ukwisila mu Mbānda ya Mōto yila, kangi yope ni nyānja yaiyolo yinkutīla kangi umwēne alinkwiniembela kunyuma, kangi pala yālipo injila yitēndekīgwe kuli Israeli ukwēndapo pamwanya ukubūka ku kīsu ikifīngīgwe.

166 Naloliloli, Ntwa, Ugwe pōpe gwe Kyala yulayula. Abāndu aba lumo Bakristi, lumo abêne bali mulamula mu njila ya mbombo, lōli abêne batwālīgwe mu ubu ubuyo ubukamandīgwe kūko ububine bubamakandile abêne. Kēta pāsi ukwisila mu Lilopa lwa Yeso ikilo iki, u mōhēsi yula isakutīlāga, umwēne isakugomokelāga nyuma, kangi abāna Bāko bisakukilania pala ku lufīngo lwa bukafu bununu. Pāga ikyēne, Tāta. Une ngufituma ifyēne ukufuma mu mbili gwāngu ku gyābo, mu Ngamu ya Yeso Kristi.

167 Une ngufyūsya ikilūdīlo iki pankyēni pa Ugwe, nu lwītīko une ngubēga abêne mpaka ku kigemo kyalwīmīko kya Kyāla kwīsīlya ku Mwānya. Kabuno ikinyonywo kilikyosa kya bubine, kilikyosa abêne bali nakuo iki kitamīsye, kilikyosa iki kitamīsye mu byūmi gyābo kulikōsa, Kyāla, basukege abêne, bapelāga abêne ukuya Bāko. Babūmbulusyāga abêne, Tāta. Kangi a Maka aga gāfyūsīsye mmwanya Yeso ukufuma mwipumba, gali nyenyemusyāga imibili gyābo igyabufwe nukubatēndēka abêne ukuya fipeligwa fipya mwa Kristi. Bapaga abêne ubukafu ubununu na maka ukukubōmbēla Ugwe.

168 Kumbukilaga une, O Ntwa. Une ndi gwambombo Gwako. Ndula une, nīmīle mu lufumbwe lwa lwīpūto. Kangi une ngwiputa ukuti Mbepo Mwikemo ukutulōngolēlāga uswe kangi ukubombel'imbombo uswe, nukutolōngosya uswe mpala ilisiku uswe tukumbona Yeso Kristi kisyu ku kisyu ku Bwīse Bwāke ubwalwīmīko akabalilo kâko uswe tukwāgana nu Mwēne mu Kunyakiligwa. Mu Ngamu ya Kristi uswe tukusuma ikylene. Ameni.

Une nunganile Umwene, une . . . (Bule ugwe?)
Panongwa yakuti Umwene ālingānile une tāsi
Kangi ālyūlīle ubupoki bwāngu
Pa mpiki gwa Kalvari.

169 Lilino, linga umwe mutikuganana yumo nu nnine aba umwe mubabwēne, ngimba umwe mukunnganāga bulebule Umwēne Yūyo umwe mukāmbōna? Lilino akabalilo uswe tukwimba *Une Nunganile Umwēne*, unko uswe tumpe umpalamani gwītu uluponio lwa pakiboko ulwakundūmbūla ulwa lugano.

Une nunganile Umwene . . .

Kyala akusaye ugwe...?...Kyala akusaye ugwe...?...
Kyala akusaye ugwe...?...Kyala akusaye ugwe, Nkundwe
Neville...?...A-ha. Kyala akusaye ugwe...?...

Pa mpiki gwa Kalvari.

Lilino unko uswe ttufyũsyeye amaboko gitu ku Mwene.

Une nunganile Umwene, une mbaganile
Umwene

Panongwa yakuti Umwene átalile álinganile
une

Nukũla ubupoki bwāngu

Pa mpiki gwa Kalvari.

¹⁷⁰ Panongwa ya lwĩmbo ulununu, ngimba umwe mukulōnda ukulupilika lumo? Une ngupilikisya uswe tuli nagwe undongosi gwa nyĩmbo undumbilili apa ukufuma ku Indianapolis. Une ngwĩtika umwēne ikwĩmba ku Cadle Tabernacle. Ngimba uko kutalusya? Umma ndāga, nkulumba. Ubo bo buyo bwāke ku Cadle Tabernacle. Balinga bikukũmbukila u E. Howard Cadle? O, mwe! Kyāla atũsyeye umoyo gwāke umpala. Injuni-lugĩlo ya mmwanya, unkĩkũlu uyu une nālingānile ukumpilika ikwĩmba, kinunupo ukukĩnda aligwēsa une kifuki nāpilikemo siku mbũmi bwāngu, āli Nka. Cadle, ukwĩmba, “Bo ukāli ukusōka nkyumba kyāko ulubunju ulu, ngimba ugwe gwālinogwĩne ukwĩpũta mu Ngamu ya Kristi u Mpoke gwĩtu, ukuya K umwĩsyũgu?”

¹⁷¹ Palapala ukukilania pa lukĩndi pala ulubũnju lumo, mu katembe akanini akafyũmba fibili akakũlu, Une ngubũka kula, nābũkāga nkati mula ukwakutēndēka umōto. Ikiatikĩlo kilunkutógwa ukwāka. Kangi une nāgelĩle ukwānda icyēne, kangi umbelo gulinkwĩsa pāsĩ, gulinkupũtĩla ikindu kila nkĩsyo kyāngu. Kangi ukwēne kwātālēle, kangi une nāli kifuka ukũma ni mbēmbō. Kangi amatalala pōsa pa kipālo, kangi une ngafwāla ifilato; ngugela ukuti ikiatikĩlo kya kitini ukikũlu ikinini iki kyāndēko, aka paipi akanini ka nga’njō kali pa kyēne. Kangi une itolo. . . Meda na une twāli itolo bēgāne panini itolo. Kangi une nāgelāga, imbābu isyaiyolo syāli ndimano kangi silinkusita ukwāka, kangi une nālitũgēsya pala, une ndinkwĩnogōna, “O, mwe! Une ngugelāga icyēne kangi.” Nābagĩle ukubũka ku mbombo, kangi kupulĩla ikiatikĩlo kila ikikũlu bo ulo. Kangi une ndinkufikĩla nukwāsya i rediyo pala, kangi umwēne alinkwānda ukwĩmba, “Bo ukāli ukusōka kyũmba kyāko ulubunju ulu, ngimba ugwe gwĩnogwĩne ukwĩpũta,” Une ndinkugwa itolo pāsĩ pa kipālo, “mu Ngamu ya Kristi u Mpoki gwĩtu, ukuya Kiponelo umwĩsyũgu?” O, mumo une nunganile ukumpilika unkĩkũlu yula!

¹⁷² Akabalilo kāko une ngukilania kula ku kisōko akabalilo kāmo, une ngwĩtika une nisakumpilika u Nka. Cadle kubwa kula. Umwe mumenye, une bwĩla ndendĩke ululagano. Pa lubafu

ulu lwa lusōko, kwisakuyapo u Mpiki untekete-bwīla, umwe mumenye, u Mpiki gwa Būmi; kangi kula ku lubafu ulūngi lwa kisōko, kula ikwāya Yabāndumi yikwīmba pamusi na pakilo, 'nongwa yakuti kukayako nakimo ikilo kula, bikwīmba ilisiku lyōsa, muketile. Une nisakwiyāgīla ubuyo nukwītūgasya ukwigemekesya nyuma nukupilika ku lwēne. Une ngwītika une nisakumpilika Nka. Cadle pabwa pala ikwīmba.

¹⁷³ Kyāla ansaye unkūndwe gwītu. Une nibwībwe ingamu yāke. Ngimba iyēne yo fiki, nkūndwe? [Unkūndwe ikuyoba, “Ned Woolman.”—Nsimbi.] Nkundwe Ned Woolman isakwīmbīla umwe lilino. Nkundwe Woolman, sangalwike ukuya na ugwe apa ikilo iki. [Nkundwe Woolman ikwīmba *Mbwiputīlo Bwa Ndūmbula Yāngu.*]



U KALŌNGOLÉLA KYA62-1014E
(A Guide)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu namayolo, Okutobala 14, 1962, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org